

重修兩淮鹽法志

兩淮鹽法志卷一

王制門

制詔

禮曰王言如絲其出如綸蓋經緯萬端條理則一我  
國家乾綱丕振治具畢恢無鉅無細悉本  
宸謨況司農歲入正供之外筭賦是資上輔

國用下濟民生府海之饒兩淮稱最洪惟

列聖繼繩

顯謨承烈臣工大小咸秉

機宜誠食貨之大經官司之

盛典也惟

聖制法惟臣守法敬彙一編冠諸篇首志

制詔

順治三年正月奉

上諭鹽課關係軍需豈容販私虧課著嚴示禁約違者依律治罪特諭

順治四年六月十七日戶部奉

上諭興販私鹽屢經禁約近聞各處奸民指稱投充滿洲率領東兵車載驢馱公然開店發賣以致官鹽壅滯殊可痛恨爾部卽出示嚴禁有仍前私販者被獲撻八十鞭其鹽斤銀錢

牲口車輛等物俱入官巡緝員役縱容不行緝拏者事發一體治罪特諭

順治五年六月十六日戶部奉

上諭前因地方奸民滿兵與販私鹽已傳諭爾部行文嚴禁犯者捉獲到官滿兵撻八十鞭鹽斤牛驢車輛銀錢等物盡行入官近聞地方土棍串同滿兵車牛成羣攜帶弓矢公然販賣私鹽以致官鹽壅滯殊可痛恨除已傳諭各固山牛彘嚴行禁止外爾部卽刊刻告示再加申飭如有仍前違旨販賣私鹽者不論滿漢許地方巡緝員役擒拏解部依律治罪鹽斤等項入官爾部仍差人密訪如地方官員並巡鹽人役容

隱不舉事發一體連坐特諭

順治十二年正月二十七日奉

上諭兩淮河東長蘆等處各運司鹽課原應商人辦納內有每年派民納課而民不見升合之鹽者著該運司詳加稽核從長計議務令公私兩便經久可行毋得因循積弊特諭

順治十八年十二月二十五日戶部奉

上諭鹽課錢糧關係軍國急需聞內外大小官員勢豪之家多有貿易販鹽倚勢不納課銀巡視鹽課官員不畏勢力不徇情面盡心催徵者卽能多得課銀其畏勢徇情者卽致課銀虧欠以後管鹽各官多得課銀者著以稱職從優議敘課額

不足虧欠者以溺職從重治罪其官員貿易倚勢漏課情弊該管官務須嚴加稽察參奏本上一體從重治罪巡鹽等官如仍徇隱定行一併從重議處特諭

謹按嗣於康熙九年戶部覆准僉都御史陳一炳條議巡鹽御史及運司分司州縣等各官任內徵收鹽課不能全清虧額者仍照考成定例處分其全清及溢額議敘紀錄加級俱行停止

康熙七年三月二十三日吏部戶部都察院奉

上諭鹽課關係國賦最爲緊要必得廉能之人差遣乃能嚴緝私販惠恤商民疏通引法以裕國課近見課額未增商人又

未有裨益之處以後不必但將監察御史專差應將廉能之人選擇兼差爾部院酌量定議具奏特諭

康熙九年十月巡鹽御史席特納徐旭齡等題兩淮運鹽六大苦掣鹽三大弊部議應如所請勒石嚴禁奉

旨各省鹽差官員因循陋規巧立名色額外私派苦累商民深爲可惡據席特納等所奏淮南六大苦掣摯三大弊等項情節俱實各鹽差積弊作何禁止官員作何處分著再嚴加明白議奏欽此

康熙九年十月部議巡鹽御史席特納等具題前疏應將私派等款永行禁止前差御史併各官俱宜嚴加察議

奉

旨兩淮鹽差各項情弊前差巡鹽各官踵行並無發覺陳奏殊屬溺職席特納等據實指陳深爲可嘉以前御史各官本當嚴察從重治罪但此等情弊踵行年久若自始挨察恐反致商民拖累困苦這以前各官及陋規情節著免行察其前任該督撫身在地方理應將鹽法設立弊端苛索之處題參乃徇情不行題參亦殊溺職以後各鹽差官員務須潔己奉公盡革私徵等弊如有仍前因循陋規朘剋商民者事發定行從重治罪決不饒恕爾部卽通行嚴飭餘依議欽此

康熙二十四年四月二十七日奉



上諭盜販私鹽屢經嚴禁未見杜絕皆因地方經管各官不實心奉行以致仍多私販著九卿詹事科道會同確議具奏特諭

康熙三十八年四月奉

上諭直隸廣平府石佳彝年久操持好用度減省著補兩淮鹽運使於正額錢糧之外伊每年應得者儘足伊用度存留餘銀俱解送河工兩浙長蘆兩廣河東福建此五處運使亦照此俱解河工將伊應得之分若不拏出亂派商人從重治罪特諭

康熙三十八年十二月吏部奉

上諭凡奉差官員理宜恪慎潔已辦理公務事竣卽行復命庶不負委任之意嗣後如巡鹽權稅審事一應差遣各官儻有沿途騷擾繞道妄行或公務已畢仍逗遛地方借端生事或將所帶筆帖式撥什庫等私自遣往他處督撫卽指名題參以憑究治如督撫瞻徇容隱不行糾參事發一併議處爾部卽遵諭行特諭

康熙四十六年十二月初九日奉

上諭漕船往來河道運丁人等夾帶私錢私鹽遇稽察員役動輒抗拒傷人放火誣賴沿途商民船隻悉被欺陵種種不法之事甚多朕所深悉漕運總督儻不嚴察懲處則運丁恣意

橫行必致重爲民害這案著該督再行確審定擬以爲悍丁  
生事病民者戒欽此

雍正元年正月初一日奉

上諭鹽道一官尤關國課邇年鹽法弊竇叢生正項錢糧每多  
虧欠一由上下各官需索商人巧立名色誅求無已窮商力  
竭不得不挪新補舊上虧國課高擡鹽價下累小民至於官  
鹽騰貴貧民販賣私鹽捕役鬪毆株連人民流弊無窮一由  
商人用度奢靡不知節儉致欠額徵爾等運籌鹽法宜將陋  
例積習情弊禁革必思何以蘇商何以裕課上供軍國下利  
閭閻方爲稱職果能肅清綱紀無致廢弛朕當破格獎勵其

或因循不改朕必置之重法特諭

雍正元年八月初二日各省鹽政奉

上諭國家欲安黎庶莫先於厚風俗厚風俗莫要於崇節儉周禮一書上下有等財用有度所以防僭越禁驕奢也孟子曰食時用禮菽粟足而民無不仁朕臨御以來躬行節儉欲使海內之民皆敦本尚實庶康阜登而風俗醴夫節儉之風貴行於閭里而奢靡之習莫甚於商人聞各省鹽商內實空虛而外事奢靡衣服屋宇窮極華靡飲食器具備求工巧俳優伎樂恆舞酣歌宴會戲游殆無虛日金錢珠貝視爲泥沙甚至悍僕豪奴服食起居同於仕宦越禮犯分罔知自檢驕奢

淫佚相習成風各處鹽商皆然而淮揚爲尤甚使愚民尤而效之其弊可勝言哉爾等旣司鹽政宜約束商人嚴行禁止出示曉諭誦切勸誡使其痛自改悔庶循禮安分不致蹈僭越之愆而省一日之糜費卽可裕數日之國課且使小民皆知警惕敦尙儉約於民生亦有裨益庶不負朕維風振俗之意若仍前奢侈不知悔改或經朕訪聞或被督撫參劾商人必從重究治爾等亦不能辭縱徇之咎特諭

雍正元年九月二十八日奉

上諭據楊宗仁奏請欽定鹽價伊並不講究道理但固執伊所原題具奏朕視民商皆屬一體督撫偏袒百姓巡鹽御史偏

袒商人可乎楊宗仁身爲總督於此等處並不留意混行瀆奏殊溺大臣之職著黃叔琳謝賜履前往楚省會同楊宗仁將鹽價作何酌定之處確議具奏特諭

雍正元年十二月戶部議覆工部尙書李先復等查奏兩淮商人積欠銀一疏奉

上諭李先復等所奏兩淮行鹽國課攸關凡關鹽務之事督撫理應會同該御史酌量料理部覆定例遵行已久應毋庸議但督撫與該御史如相和好卽長鹽價病民如不相和好卽不巡緝私鹽累商嗣後倘各有臆見著將情由達部聽部定奪特諭

雍正二年二月初二日奉

上諭從來關榷鹽稅之設所以通商裕國或用欽差專轄或令督撫兼理無非因地制宜利商便民之至意也朕前於關鹽兩差各下諭旨誥誼切但旗員向來相沿成習陽奉陰違任意侈靡不知撙節額外加派苦累商民差滿之日惟恐回京有當差效力之事每以缺額懇求寬限希圖掩飾是以不憚丁甯再加申飭大抵關差之弊皆未講日計不足月計有餘之長策惟知目前小利恣意侵漁聽信家丁縱容胥吏開關分別遲早肆無厭之誅求報單任意重輕爲納課之多寡飽谿壑者則任其漏稅代爲朦朧不遂欲者則倒篋傾箱一

物不免致商賈畏懼裹足不前行旅徬徨越關迂道則困商實所以自困也鹽差之弊尤合重懲飛渡重照貴賣夾帶弊之在商者猶小加派陋規弊之在官者更大若不徹底澄清勢必致商人失業國帑常虧夫以一引之課漸添至數倍有餘官無論大小職無論文武皆視爲利藪照引分肥商家安得而不重困賠累日深則配引日少配引日少則官鹽不得不貴而私鹽得以橫行故逐年之課難以奏銷連歲之引盡皆壅滯非加派之所致歟故關差惟在嚴禁苛求使舟車絡繹貨物流通則稅自足額鹽差惟在力除加派使商困少蘇盡復舊業則課自贏餘至於督撫係封疆大吏更當仰體朝



廷歸併之意關政不得視爲帶理漫不經心誤任屬員聽其剝削鹽政不得罔恤窮商獨專厚利硬派州縣計口徵錢夫權關部屬尙有顧忌恐督撫持其短長今歸督撫則何所瞻顧巡鹽御史地方官或不奉約束今歸督撫則孰敢違抗況欽差猶每年更換而督撫兼理則無限期若不實力奉行使風清弊絕則大負歸併之本意矣至將耗羨充課固屬急公但恐以耗羨歸正額而正額之外復加耗羨商民重輸疊出何以堪此朕深悉關鹽擾累之害垂念商民營逐之苦特諭爾等經理權稅者務期奉公守法遴委得人知商旅之艱辛絕箕斂之弊竇通商卽所以理財足民卽所以裕國如自利

自便罔上營私責有攸歸其悉遵朕旨特諭

雍正二年八月奉

上諭漕船回空夾帶私鹽固宜嚴禁但仍照例在運河口內地  
方派官搜查查出私鹽必究明根窩場竈照例治罪若船至  
大江不可攔阻搜查致生事端有誤漕運特諭

雍正二年十二月巡鹽御史鳴爾泰題明食鹽難銷之處  
又以湖災鹽缺價貴本重懇祈隨時銷售奉

旨鹽價之貴賤亦如米價之消長歲歉則成本自重價亦隨之  
歲豐則成本自輕不待禁而自減近來聞得自湖廣總督楊  
宗仁禁價之後以致商竈居民皆不甚便此楊宗仁一時偏

下注原注  
卷一  
一  
孰之見朕意若仍隨時銷售以便商民均屬有益該部於此  
本內一併確議具奏欽此

雍正三年三月都察院奏各關鹽差舊有本院衙門公費  
應否取受奉

旨此項原係鹽政例規相沿已久或出自公費或出自羨餘並  
無損於商民卻之則近於矯廉爾等大臣尚可支撐至爾衙  
中屬官及筆帖式吏役人等尤宜有所養廉豈有枵腹辦事  
之理爾等可寫字與各鹽差毋論兼辦專差俱照舊例餽送  
收受如有不願齎給者令其自行陳奏欽此

雍正四年十月初十日奉

上諭長蘆竈地久未清查以致民竈爭控不已聞當年竈地轉售與民其年分久遠有百餘年者業主售主多半變更卽有子孫當時價值多寡亦俱遺失或有逃亡等戶更無從質問以致同姓影響之人彼此爭贖紛紛告訐實滋煩擾若必俟原業竈戶有力之日回贖儻原業之人始終無力則此項地畝久久竟成民地亦非清查竈地之良法朕意以爲不若將竈戶賣與民人之地交易年近確有實據者令竈戶備價取贖其餘年久迷失之地所有爭告無憑詞狀該衙門俱行註銷凡民人所有竈地嗣後止許賣與竈戶永遠爲業如有仍轉行典賣與民者照盜賣官地律治罪永以爲例欽此

謹按此爲長蘆而設兩淮雖未奉到部文然竈地事  
同一例現在遵行故恭載焉

雍正五年正月大學士富甯安等摺奏議給三處將軍養  
廉銀兩奉

旨爾等議稱不便給與參票等語所議甚是此等養廉之項應  
動用贏餘銀兩著將長蘆鹽課贏餘銀兩內動用六千兩給  
與三處將軍分用朕思在京城大人及有執掌之官員亦當  
酌與養廉之資著將兩浙鹽課贏餘銀兩動用一萬兩給與  
兩翼前鋒統領護軍統領前鋒參領護軍參領前鋒護衛等  
官分用再將兩淮鹽課贏餘銀兩動用二萬四千兩給與八

旗都統以下參領等官分用欽此

雍正六年七月二十一日吏部奉

上諭大使管理鹽務關係錢糧若職任卑微不足以彈壓商竈其應揀用何項人員及量加品級之處該部定議欽此

謹按部議鹽課鹽庫諸大使俱以未入改正八品卽爲定制

雍正七年五月戶部奉

上諭朕聞各省糧船過淮抵通之時該管衙門官吏胥役人等額外需索陋規以致繁費甚多運丁重受其累特命御史前往稽查禁革苛索等弊又查向來之例每船北上許帶土宜

六十石朕思旗丁運駕辛苦若就糧艘之便順帶貨物至京貿易以獲利益亦情理可行之事著於舊例六十石之外加增四十石准每船攜帶土宜一百石永著爲例惟是運丁人等繁多素有惡習如偷盜米石挂欠官糧夾帶私貨藐視法紀此向來之通弊也又如昔年浙江湖廣二省糧船因私忿小怨遂操刀持戈殺傷多命又從前偶值回空守凍遂致縱容水手公然搶奪擾害居民此皆眾所共知者是以數年以來內外臣工條奏旗丁不法者不下數百紙前又有奏稱販賣私鹽之弊在糧船爲尤甚有一種積梟巨棍名爲風客慣與糧船串通搭載貨物運至淮揚託與本地奸徒令其賣貨

買鹽預屯水次待至回空之時一路裝載其所售之價彼此朋分糧船貪風客之餘利風客恃糧船爲護符於是累萬盈千直達江廣私販日多而官引日滯等語觀此則旗丁之作姦犯科誠難以悉數也朕年來屢飭該管官嚴行禁約又復念其勞苦疊沛恩膏近見伊等之惡習刁風亦漸悛改是以特頒諭旨嚴禁過淮抵通苛索之陋規復令增添攜帶土宜俾得多沾餘潤以贍家口伊等益當感戴朕恩遵守法度共爲良善以免罪愆著總督倉場侍郎漕運總督將朕此旨通行刊布每船各給一張使運丁人等觸目警心以副朕體恤訓誨之至意特諭



雍正八年正月奉

上諭雍正六年內湖南布政使趙城摺奏湖南現貯倉穀共計六十餘萬石之多又有捐納事例改收穀石本省可云有備但楚南地勢卑溼積貯既久不無霉爛之虞請分撥別省令其來楚運往以免霉變等語朕將此摺發與戶部議奏經戶部議稱江浙戶口殷繁需用米石甚多應行文江浙督撫令其詳酌如有應需穀石之處卽委員往楚轉運將需用水腳核實報銷等語朕降旨俞允隨據兩淮巡鹽御史噶爾泰摺奏據兩淮商人黃光德等具呈情願出貲將湖南積穀三十餘萬石照依原買之價交納湖南藩庫領運隨地隨時售賣

仍將所售價銀交納運庫等語朕彼時批示云眾商情願效力深爲可嘉但令照數交足則已倘少有餘利不可分外交納汝亦不可接奏隨經王國棟題明將雍正三年動帑所買穀一十六萬二千餘石照原價每石三錢四分九釐給商交價運售此湖南巡撫布政使及兩淮巡鹽御史前後具奏辦理之案也今據湖廣總督邁柱奏稱今年湖南岳常二府之臨湘武陵等十州縣微欠雨澤似應飭商暫停領賣俟明年無需用之處仍聽該商領運等語朕思向因湖南撫藩皆言地方積穀甚多難以久貯奏請分撥別省運售以免霉變是以兩淮商人有赴楚領運效力急公之請今商人既已交價

而邁柱又稱楚南需米備糶應請飭商暫停領賣是湖廣督撫藩司前後自相矛盾也湖南現貯穀六十餘萬石之多欲分撥別省以免霉變則本省府縣有需米之處正可將此奏聞平糶以濟民食而邁柱乃云正在動用公項銀一萬兩買米備糶是邁柱之奏又自相矛盾也且邁柱又稱此時飭商停運俟楚省不需米穀之時仍聽該商領運等語是米貴之時則令商人停運而米賤之時則令商人領賣亦甚非情理之平朕意此米穀中必有虧空至於噶爾泰既代商人據奏而又不爲伊等行催楚省歸結其事亦屬不合查噶爾泰從前代眾商具奏領運之時原有隨時售賣之語今江浙

俱獲豐收米價甚賤湖南既有需米之州縣著該商仍照前議領米卽於湖南需米之處照時價糶賣不許地方官抑勒商人亦不許商人高擡價值儻商人獲有餘利聽其自取不許交官如此則淮商領米得以貿易而楚省積穀仍得流通於商民均有裨益湖廣督撫等卽遵諭行欽此

雍正九年十二月奉

上諭署兩淮鹽政伊拉齊從前初到任時朕見其行事孟浪近來辦理諸務及陳奏之摺俱不妥協今據署總督尹繼善參奏前來並稱信任承差馬晉聽其招搖作弊納賄婪贓年餘之內家致富等語伊拉齊著解任兩淮鹽政著布政使高

斌前往管理伊拉齊任內辦理未協之處及有無情弊著尹繼善會同高斌織造許夢閔一一秉公確查具奏蠹役馬晉著尹繼善查拏一併會同嚴審定擬具奏兩淮所轄地方甚爲遼濶緝私禁弊往往官弁視同膜外該鹽政呼應不靈兩淮鹽務著署總督尹繼善兼行總理與高斌和衷共濟於鹺政自有裨益特諭

謹按總督總理鹽政始此

雍正十一年正月內閣奉

上諭江南范隄爲沿海之藩籬鹽場之保障原係商人捐修工程聞見在殘缺甚多急應修築堅固現據署兩江總督魏廷

珍委員確勘料工著卽一面乘二三月間作速興工使沿海窮民得以傭工餬口但工程懸遠需大員董理著交與協理河務西柱卽行督率料估悉心查辦欽此

雍正十一年七月內閣奉

上諭據西柱奏稱江南通州所屬范隄殘缺之處業已修築完竣所有庫發工價銀兩各場竈總感戴國恩情願急公效力俱已繳還運庫等語朕允從江南督臣等之請發帑修理范隄原係保護鹽場加恩竈戶之意其工費銀兩何用竈總捐輸著西柱出示曉諭照數給還勿使不肖官吏人等侵蝕中飽欽此

雍正十二年九月奉

上諭各省鹽政關繫國計民生所當加意整理而兩淮鹽務之積弊更在他省之上此中外所共知者大約鹽法之行必以緝私爲首務私靖則官引自銷轉輸便利裕課恤商皆本於此淮南江廣口岸寬廣如果私鹽杜絕何慮積引難銷惟是緝私一事地方督撫大吏非不遵奉辦理但以不關切己之務有名無實聞今年江廣口岸鹽壅價減急難銷售皆由鄰私充斥之所致蓋兩淮行鹽地方江西河南有浙私蘆私之侵越而湖廣之川私粵私爲害更甚見今雖於各處私鹽隘口設立巡官巡役似爲周密而地方文武官員不肯實力奉

行一任兵役人等避難趨易罔利營私如商船夾帶原應秉公盤查而往往視爲利藪多方需索恣意搜求以塞巡查之責轉爲平民之擾累至於大夥梟販則慮其拒捕或畏難故縱或受賄得錢其拏獲到案者地方官弁又視非專責姑息養奸以重作輕以多報少朦混草率不能據實審結以致立法雖嚴而鄰私之肆行如故在江南督臣亦不過責成自己所屬地方至咨會鄰省卽未必有呼輒應此私販之所以難靖也年來朕留心訪聞甚確用是特頒此旨曉諭湖廣等省督撫等務矢公心以鄰省之事視爲己事嚴飭文武官弁同心協力遠近愚民家喻戶曉使川粵浙蘆之私鹽不敢越界



橫行則兩淮積壓之引易運易銷於國計民生均有裨益儻  
既經曉諭之後仍有失於覺察者一經發覺朕必於該督撫  
是問欽此

雍正十三年十二月管理兩淮鹽政布政使高斌奏遵

旨曉諭眾商及嚴禁撞騙科派奉

旨覽務在言行相符朕之此諭非謂汝目下有不言行相符之  
事也凡爲大臣者各宜以實心行實政一日立乎其位一日  
業乎其官始克勝任而愉快將此批與趙宏恩高其倬並觀  
之欽此

乾隆元年四月江南總督趙宏恩奏審辦鹽梟事宜奉

旨是則是矣但寬嚴相濟四字並非用於懲治奸梟者也若然則子莫之執中仍然非中而已不可錯會意欽此

乾隆元年五月江南總督趙宏恩奏鹽梟情形奉

旨緝拏鹽梟一案汝始終辦理總過於姑息一邊不知縱盜養奸非所謂寬也戒之戒之欽此

乾隆元年五月總理事務王大臣奉

上諭據兩廣總督鄂彌達奏稱本年二月內欽奉上諭凡行鹽地方大夥私販自宜嚴加緝究其貧窮老少男婦挑負四十斤以下者不許禁捕所有商人私雇鹽捕及巡鹽船隻幫捕汛兵悉行停止臣遵照部文出示曉諭各梟徒痛加悛改勉

爲聖世良民乃省城各處竟有梟販成羣手執印刷小票稱奉廣東按察司明示許令販私不服盤查及查白映棠告示竟未遵奉諭旨分別老幼混稱貧難百姓四十斤以下者不許緝捕儻敢私自查緝許被害之人指名赴本司衙門控告等語以致強壯姦徒無不藉口貧民公然販私白映棠以刑名之官屢越鹽政率意妄行逞私債事其咎難逭理合奏聞臣今酌定規條凡有近場實在貧難無可資生之人如年過五十以外或在十五以內及並無依靠之癯獨老婦許其挑負四十斤以下在本境易米度日不許透越外境違者以私鹽論該場埠巡丁如有將貧難合例之人騷擾盤查者卽以

誣指平民販私治罪其有年屬強壯者卽四十斤以下亦仍以私鹽究擬若有人鹽並獲審非大夥私梟仍照舊例立即詳結不得株連至現設之巡丁巡船其界連場地者必須扼要巡查不便概行停止又如廣西銷鹽各埠以及界連交趾私鹽衝賺之鎮安等處再福建之長汀江西之甯都皆大夥私梟出沒之地亦難遽行停止仍請照前設立惟有責成各地方官隨時稽查儻有生事擾民者嚴加懲治等語朕因各省鹽務向來辦理未妥不肖官吏往往縱放大梟拘拏小販以致濱海近場之窮民藉肩販以度日餬口者胥受擾害是以諭令寬其禁約無許苛求原以惠養貧民並非縱容匪類

聽其作姦犯科也豈知無賴之徒妄稱奉旨肆行無忌在直隸則有天津之事在江南則有鎮江之事在廣東則有廣州之事遠近一轍不約而同若不速加嚴懲則各處聞風效尤將大爲地方之擾害李衛之嚴密查拏鄂彌達之據實參奏此二人辦理乃深知朕心而洞悉政體者若天下督撫皆似此居心而不存觀望之念秉公執法則兇暴咸知斂跡必無長姦貽患之慮矣鄂彌達著交部議敘其鹽務規條卽照所奏行白映棠職司刑憲不能禁約私梟反出示給票縱民爲匪甚屬溺職著解任來京候旨朕自臨御以來時時以我皇考愛養百姓之心爲心凡從前官吏之奉行不善涉於煩苛

者皆次第革除務期與民休息若天下民人體朕此意改過遷善化頑爲良則朕寬大之政可以永遠施行此天下臣民之福卽朕之福也今則不然卽如私鹽一事朕本欲酌寬其禁以養恤窮黎而姦民乘機伺隙結黨呼羣凡向來之畏法而不敢輕犯者今則公然肆橫無所憚懾觀此情形是姦頑之民不容朕行寬大之政也朕爲天下主惟有執兩用中與天下臣民休養生息以成久道化成之治豈肯姑息養姦貽風俗之憂釀閭閻之患哉爲此切加曉諭俾遠近百姓各自醒悟洗心滌慮務爲良善奉公之民以永受朕恩著各省督撫將朕此旨刊刻頒布務令遠鄉僻壤咸共知之欽此

謹按此係廣東鹽案各省俱宜欽遵故敬錄之

乾隆元年八月奉

上諭朕聞揚州府儀徵縣江口至江都甘泉二縣所轄三汊河一道共計六十餘里爲通江達淮要津向例三年大挑一次撈淺一次共需銀一萬六百兩皆商三民七分派捐輸經管里甲不無苛索滋擾而承修各官又復層層侵扣以致撈淺挑濬有名無實無益於工程有累於百姓嗣後著將商民派捐之項永行停止亦不必拘定三年之限如遇應濬之年著該鹽政委員確估實力挑濬所需工費卽於運庫一半充公項下動支毋得虛冒侵肥草率塞責欽此

乾隆五年六月奉

上諭湖廣鹽價一案必須商民兩得其平始可遵行無弊是以特降諭旨令崔紀三保來京會同大學士該部詳妥定議朕曾向大學士等面降諭旨商民行運貿易亦須酌量情理若執一偏之見繩之以法必致有弊可詳記此旨俟彼二人到京會議時傳諭知之頃聞漢口地方有擁集多人向鹽店強行勒買之事果如此則是以有益之名受無益之實愚民並不靜聽辦理妄行生事自取罪戾矣著總督班第詳切曉諭俾各安本分並將商民見在情形秉公確查據實奏聞欽此

乾隆五年十二月江蘇巡撫徐士林題覆鹽價成本奉



旨原議之大臣議奏地方鹽價之平惟在鹽臣盡心督運該督撫加意督銷則鹽斤自多而無價昂病民之弊至於奸商長價居奇固不可不為裁抑而刁民借端生事尤不可不加嚴懲惟在該督撫查禁於平時訪緝於臨事則情法均平商民並受其福著該部將朕旨行文該督撫鹽政知之欽此

乾隆十年四月署兩淮鹽政吉慶奏由舉貢出身之鹽場大使有才識平庸尙無劣蹟者請改教職奉

旨安得如許教官缺且教官即應以庸材為之而大使反不可以庸材為之輕重倒置所見甚鄙欽此

乾隆十年十二月內閣奉

上諭兩淮鹽政吉慶因山清等八州縣食鹽壅滯屢次奏請通融酌銷以三分留運本地以七分撥於綱鹽口岸行銷戶部照例議以不准朕思通融撥銷鹽引自於商人有益第其夾帶影射之處該鹽政等亟當實力稽查以清弊竇著暫准其所請行銷俟一二年後食鹽疏通之日該鹽政奏聞仍照定例辦理餘依議欽此

乾隆十一年閏三月奉

上諭兩淮鹽政吉慶請將甯國等九縣壅積食鹽派撥淮南綱商於江廣口岸分年報運融銷戶部照例議以不准從前淮北山清等八州縣食鹽壅滯經該鹽政奏請通融酌銷曾降

內  
外  
鹽  
法  
志  
卷  
一  
旨  
暫  
准  
行  
銷  
今  
淮  
南  
甯  
國  
等  
縣  
壅  
積  
食  
鹽  
通  
融  
行  
銷  
事  
同  
一  
例  
著  
准  
其  
所  
請  
交  
與  
該  
鹽  
政  
遵  
照  
淮  
北  
之  
旨  
一  
體  
辦  
理  
欽  
此  
乾  
隆  
十  
二  
年  
三  
月  
十  
七  
日  
軍  
機  
大  
臣  
等  
奉

上  
諭  
兩  
淮  
天  
津  
設  
有  
鹽  
運  
使  
二  
缺  
並  
無  
多  
辦  
事  
件  
其  
責  
任  
不  
過  
稽  
查  
錢  
糧  
出  
入  
尚  
不  
如  
各  
道  
員  
有  
刑  
名  
地  
方  
等  
事  
其  
所  
得  
養  
廉  
款  
項  
反  
數  
倍  
於  
各  
道  
員  
殊  
爲  
未  
協  
著  
該  
鹽  
政  
查  
明  
酌  
留  
若  
干  
期  
於  
敷  
用  
其  
餘  
悉  
行  
裁  
減  
歸  
於  
公  
項  
以  
有  
餘  
補  
不  
足  
酌  
盈  
劑  
虛  
之  
道  
亦  
當  
如  
此  
欽  
此

乾  
隆  
十  
三  
年  
二  
月  
行  
在  
內  
閣  
奉

上  
諭  
向  
來  
鹽  
政  
衙  
門  
有  
贏  
餘  
閒  
款  
銀  
兩  
存  
留  
運  
庫  
爲  
各  
項  
幫  
貼

雜費之用昔年

皇祖巡幸遇有賞賚及辦差之需多於此內動給後因雍正年間巡幸未舉遂將此項奏明歸公今朕此次東巡扈從人等俱各謹遵約束安靜無擾伊等出差雖賞給盤費俸餉馬匹亦不至於拮据但既扈從勤勞而又安靜奉法宜加恩賚此次隨來之王公大臣暨官員兵丁拜唐阿等俱著加恩賞賚所需銀兩卽於長蘆鹽庫存留公項銀內動給其應作何分別等第之處著總理行營王大臣等議奏嗣後每年令兩淮鹽政解銀十萬兩長蘆鹽政解銀五萬兩交內務府以備此等行幸賞賜之用欽此

乾隆十四年正月經略大學士傅恆奏兩淮鹽政吉慶本  
非大器但尙知畏法辦事亦勤爲蘊著所參竟以貪敗  
奉

旨如何朕如今實難信人矣所以恐屈吉慶並未辦理今若問  
吉慶又恐已知蘊著之參已而挾仇祇得將此奏並硃批交  
黃廷桂憑公物色耳亦令圖拉略爲訪察欽此是年又經漕  
運總督蘊著奏遵查兩淮鹽政吉慶有無私產未得確  
據奉

旨此何言耶再細查密訪務期徹底清楚朕從來辦事不肯依  
違遷就也不然則汝爲欺君矣欽此

乾隆十四年十月初五日奉

上諭江南督撫等以該省紳耆士庶望幸心殷合辭奏請南巡朕以鉅典攸關特命廷臣集議今經大學士九卿等援据經史且仰稽

聖祖仁皇帝六巡江浙謨烈光昭允宜俯從所請朕軫念民依省方問俗郊圻近省不憚躬勤鑿輅江左地廣人稠素所屢念其官方戎政河務海防與凡閭閻疾苦無非事者第程途稍遠十餘年來未遑舉行屢嘗敬讀

聖祖實錄備載前後南巡恭侍

皇太后鑾輿羣黎扶老攜幼夾道歡迎交頌

天家孝德心甚慕焉朕巡幸所至悉奉

聖母皇太后遊賞江南名勝甲於天下朕親掖

安輿眺覽山川之佳秀民物之豐美良足以娛暢

慈懷詢謀僉同應依議允從所請但朕將以明年秋幸五臺經  
太原歷嵩洛趙魏回鑾已涉冬令南巡之舉當在辛未年春  
正我

聖母六旬萬壽之年也將見巷舞衢歌騰歡獻祝稱朕以天下  
養之至愛上以廣承

歡之慶下以慰望幸之忱益深嘉悅屆期諏吉以聞嚮導人員  
朕酌量先期簡派前往清蹕所至簡約儀衛一切出自內府

無煩有司供億至行營宿頓不過偶一經臨卽暫停亦不逾旬日前歲山左過求華麗多耗物力朕甚不取曾經降旨申飭明歲晉豫等省以及江南俱不可倣效至名山古蹟南省尤多亦祇埽除潔淨足備臨觀而已無事崇飾倘有傾圮隨宜補葺悉令動用官項且有吉慶所奏淮商願捐之項可以報銷但當核實不得任有司浮冒其民間張燈結綵

聖祖嘗以爲戒載在方冊宜共恪遵其慎勿以華侈相尙所司通行曉諭其一切應行典禮著照所議行欽此

乾隆十六年閏五月初三日大學士等議覆鹽政吉慶等奏請免追丁卯戊辰己巳三綱運鹽貴價查該處並未



報災此項多賣銀兩應追報部奉

上諭兩淮運銷丁卯戊辰己巳三綱引鹽皆照貴價曾經部駁追繳今該鹽政吉慶等又復奏請免追該部仍照例議駁此雖部例但向來各省鹽引原聽其自相交易無官爲限制之例長蘆河東至今尙然惟兩淮行運江楚鹽引適因崔紀沾名三保庇商兩持異議始將各商運楚成本分別定以賤價貴價然自定價以來商人總以貴價銷售至今夫恤民裕商本屬一事若任其屢擡時價日引日增則於民食有關然勒令賤賣則該商等又以成本有虧不免紛紛籲請今計各商比年行銷價值於成本自可無虧將來卽藉口年歲不齊料

亦不過如今之所稱歉年而止耳嗣後淮商銷售引鹽卽遇應貴之年亦不得於見在所銷價值外復議稍有加增庶可示以限制至歲事豐稔鹽價可以酌量平減則令各該督撫會同鹽政等隨時籌畫妥辦部臣亦不必固執定例徒滋駁詰之煩庶於商民均爲有益至部議已賣貴價復令商人追繳之處事理亦屬難行若云買貴在民則仍應給還食鹽之戶於勢固有所不能否則以商人市值所餘而歸之官帑於政體尤有所不可總之民間物價本自不齊祇可隨時調劑不能概繩以官法卽如人生日用最急者莫如食米一項今謂意在恤民而欲官爲立制務使市價損之又損閭閻皆得

賤食意則美矣欲其行之於事能乎不能乎將此詳論中外知之欽此

乾隆十八年六月十七日大學士奉

上諭據吉慶奏鹽屬銷引地方賣鹽錢文悉令在本州縣市集出易不得囤積在店運往他處售賣射利等語吉慶此奏爲商人囤積射利起見亦疏通錢法之一端但各省鹽務地方情形不一著將此摺鈔寄各督撫鹽政令其查察所屬情形若果如吉慶所辦立法稽查行之可有實效不致滋擾商民著卽奏聞仿照辦理如或有未便之處亦不必勉強著詳悉酌量具奏欽此

謹按嗣經兩江總督鄂容安奏查江淮揚徐海通等屬兩淮各場有綱食之分綱鹽係淮商運到口岸發與水商交易全用銀兩其水商接運行銷銀錢兼賣所得錢文易銀送揚完課亦無囤積惟銷食鹽之上元江甯句容六合高淳溧水江浦山陽清河桃源宿遷睢甯邳州贛榆沐陽等州縣各設子鹽店零售錢文或有商夥射利囤積已令地方官加意查禁覆奏在案

乾隆二十一年二月十二日奉

上諭尹繼善劉綸喀爾吉善審擬鄂樂舜勒派鹽商銀兩一案

甚屬悖謬鄂樂舜之得受銀兩旣已屬實則富勒渾之參奏並不全虛乃伊等於鄂樂舜則祇照求索借貸所部財物准枉法論加等擬以絞候而於富勒渾則照誣告反坐加三等擬以杖流此事所重專在鄂樂舜一人同德不過附參試思鄂樂舜於眾商銀兩旣無契券又無利息又未分毫償還何名借貸又必如何而始謂之勒派得財耶自朕初年鄂善以受賄嚴加懲創意外大臣共知儆惕而鄂樂舜身爲巡撫尙簞簞不飭乃爾獨不思鄂善所治何罪而乃如此定擬反將參出之人坐以重罪則此後各省督撫或有貪婪者朕將何賴以覺察此所係於官箴國法者甚大在尹繼善等明知

富勒渾罪不至此朕必不照擬完結不過以富勒渾係大學士傅恆之姪故爲定擬過當以見伊等不畏傅恆不知朕於大小臣工功罪賞罰從無絲毫成見若富勒渾參鄂樂舜之處全虛則誠應論以反坐今惟同德一事屬虛而其事尙在疑似律有參款內一二事實他皆虛無尙有從輕之條而況富勒渾所參重款已實乃欲將其從重治罪是何意見乎尹繼善劉綸喀爾吉善俱著交部嚴加議處昔朱子論晉韓厥卻克謂委曲分謗非大臣體劉綸尙係新進尹繼善喀爾吉善多年封疆何乃出此此番奏讞實乃巧爲之分謗朕甚愧慮至此案富勒渾到任未久卽聞眾商人噴有煩言周人驥

同德近在同城豈得委爲不知同德卽無授意情事亦何以漫無覺察周人驥同德俱著革職發往軍臺效力鄂樂舜卽著交與台桂押解來京到日該部奏聞請旨欽此

乾隆二十二年六月奉

上諭嵇璜奏湖河宣導機宜並應疏應修各工具有條理著照所請交與尹繼善白鍾山普福等會同嵇璜於應動工時次第興舉所需帑項照例分別動支欽此

謹按嗣後經兩江總督尹繼善江南總河白鍾山會奏歸江歸海各工所需帑項照例分別動支如有不敷卽於鹽庫項下支用

乾隆二十六年三月二十日戶部奉

上諭朕奉

太后慈輦南巡途次建設行宮不過供頓宿原無事過於勞費乃揚州所建行宮從前吉慶爲鹽政時其繕葺已覺較華而普福任內必求爭勝於吉慶今聞高恆所辦又意在駕普福而上之踵事增華長此安窮朕向來巡幸所至一切供帳俱取給於公帑從無絲毫累及閭閻前後屢經諄諄及之中外臣民所共悉者商人亦吾赤子豈於百姓則恤之而於商人則累之耶雖伊等抒誠襄事實出於至誠亦應量爲節制以省糜費至於兩淮鹽務經費浩繁商力不無拮据如預提



餘引一事從前吉慶係派之通綱而普福高恆則擇其奮勉辦事者以爲酬獎之地其中卽不能允協羣情其應作何立定章程著軍機大臣會同尹繼善吉慶高恆等詳悉妥議具奏欽此

謹按嗣經軍機大臣會同總督鹽政奏定餘引攤派眾商搏節外支銀兩酌定辦貢銀數酌減鹽政養廉查察漢口匣商綱食不得融銷並嚴查卡商火伏

乾隆二十七年二月初三日奉

上諭上年曾降旨於兩淮運庫內撥銀三十萬兩交與總督尹繼善辦理差務但恐尙有不敷著高恆於運庫內酌量再撥

銀二十萬兩以爲添補辦差之用欽此

乾隆二十七年四月初六日行在內閣奉

上諭江南瀕臨河湖沮洳之區南則高寶甘泉北則宿清海沐各屬最稱窪下每遇伏秋大汛霖潦堪虞而下流蓄洩機宜惟洪澤一湖尤爲橐籥關鍵朕早夜勤思爲澤國民生求保障安全之計疇咨所及中外臣工持議各憑所見非親巡規畫難定折中昨駐蹕蘇城時先命大學士劉統勳協辦大學士兆惠會同督撫河臣將歸江歸海各路詳勘標誌朕迴鑾取道按閱講求指示其在高寶一帶應宣導歸江者自邵伯以下如灣頭閘壁虎橋鳳凰橋等處河身寬展足資分洩惟

金灣滾壩寬五十丈而新挑引河僅寬十五丈底寬八丈未能暢達應再爲展寬以河底十丈爲率迤下地勢稍仰並一律挑濬深通俾成建瓴之勢又東灣滾壩前年已改落低三尺而西灣壩尙仍其舊諸臣議請一體落低三尺朕量該處洩水情形至爲便捷應將西灣壩再加落一尺共低四尺則平日已有尺水入江循序而進庶可豫減暴漲之勢其河頭亦加挑寬深以資利導設遇落水過多運河間有淺澀卽宜將淺處深挖以視小小切埂撈淤從事於河中者不猶愈乎其金灣六閘應折去中二閘添建石壩接築土隄並量挑引渠以備盛漲湖水自無闕塞之患然此節節措置特爲三湖

旁疏曲引起見耳若其溯源挈要爲釜底抽薪之策則莫如  
廣疏清口乃及今第一義見在測驗洪湖高堰五壩高於水  
面七尺及七尺五寸不等清口口門現寬二十丈當卽以此  
酌定成算將來俟兩壩之水如再增長三尺清口不必議展  
仍存其蓄清之說設如由三尺長至四尺卽將清口拆寬十  
丈湖水以次遞長則清口以次遞寬總以上壩增一尺之水  
下口加開十丈之門爲准其或入夏後水勢一時不常旋長  
旋落則不必以口門旣展急事堵塞以過秋汛爲定逐漸收  
清口仍至二十丈或十數丈如此則全湖勢暢以視求助於  
分支別派者其功奚啻倍蓰哉脫以清口拆堵費工鯁鯁過

慮獨不思湖水浸溢下流所費更當何似以彼絜此其間輕重大小不待握算而知也駱馬湖水由永濟橋東注爲六塘河旣遠其所受支河甚多河中淤梗阻滯溜勢一遇暴漲猝難容洩田廬易致漫淹應視兩岸中間窄狹者再加寬展切去河中淤埂俾游波寬緩不至出槽隄身淺缺單薄者量爲修補以資捍禦其六塘河尾閘橫經鹽河由東岸武障等河下洩入海原設條石滾壩爲過水之准其旁並設草壩水小則蓄水運鹽水漲則拆壩消水商利蓄而民利銷彼此各爭其便當每年權其緩急利害立定期限以時啟閉庶於渠政有裨其草壩以下各有引河及六塘河北岸之丁家溝南岸

之馬家河鮑營河形勢迂曲阻塞者均如諸臣所勘估挑辦理務使通流以達於海第六塘河修防事宜向無專設之員卽鹽河各壩亦非鹽務微員所能相機經理該督撫可於通省事簡同知通判缺內議移一員駐高家溝適中地方仍應選能勝此任者奏聞補授俾專司水利及修防啟閉之事地方水利各員聽其調遣仍歸淮徐海道總轄亦聽總河節制務令宣防無誤而蓄洩合宜所有應添石壩土隄及一切挑挖疏濬各工該督撫河臣會同鹽政悉心確估覈議以聞欽此

乾隆二十七年四月十一日奉

上諭據高恆奏辦理拏獲私鹽車船變價充餉一摺船隻既可裝運鹽斤斷無一船僅變價二三錢之理明係該地方官一任書役估變不行稽查所致該鹽政已咨商督撫將各該處拏獲船隻印烙解交運司驗明船之堅固朽爛酌量辦理但各省皆有緝私之責車船變價猶其小者如此相沿陋弊必因漫不經心私鹽充斥職此之由著傳諭該督撫嚴飭所屬嗣後務宜實力拏獲私販其車船務須詳驗明確從實估變如州縣官暨胥役等或有變多報少與將原獲車船轉售私梟等弊卽行查明參處欽此

乾隆二十七年四月二十二日奉

上諭兩淮綱商舊習相沿一切交際應酬甚多公然餽遺而往來之人頗有因此漁利者鹽政運使竟習以爲常而不之禁不肖之人且有吹噓授意者於政體風俗大有關係上年尹繼善高恆來京令軍機大臣會同定議所有前此交往私用止聽該商各就親戚友朋情誼應酬原所不禁不得派出公項名色動支見經鹽政奏明照議定章程辦理第恐日久奉行不實或仍有授意眾商以爲往來官員資助者則是累商力而徇私情當惟於該鹽政運使是問欽此



兩淮鹽法志卷一

兩淮鹽法志卷二

王制門

制詔

乾隆二十八年七月初九日軍機大臣等奉

上諭據李侍堯奏湖廣今年鹽價每包賣銀至三錢三四分自  
欽差阿永阿等到楚暨陳宏謀及臣先後抵任漸次遞減見  
在市價每包二錢七八分不等與高恆奏准定價一錢四分  
尙屬加倍見經札知高恆飭令漢口總商定價一摺已令李  
侍堯將漢口增價累民之商就近查辦矣楚省距兩淮尙遠  
鹽價陡然增落或與淮南商無涉但既經奏定價值豈得任意

增加卽運載水腳所需亦爲數無多何至相懸倍蓰漢口行鹽原係兩淮商夥其歷來銷售鹽斤定價偶有增添是否隨時關白及今年楚鹽價值昂貴淮商有無見聞其中或係各口岸遙受兩淮意指通同擡價抑或夥商捏稱鹽少而鋪戶水販又復輾轉加增致市價日漸騰涌之處著傳諭高恆逐一據實查奏向來鹽政志在銷引裕課地方官每言價涌病民彼此牴牾掣肘勢所不免此奏出自李侍堯朕可信其毫無成見不得不徹底根查以肅鹺政而蘇民困欽此

乾隆二十八年七月軍機大臣等奉

上諭據李侍堯奏湖廣鹽價昂貴一摺該省行銷淮鹽前經高

恆奏定每鹽一包價銀一錢四分六釐商人行運自應遵照  
出售卽水腳加費爲數無多市價縱或時有低昂亦何至頓  
長逾倍且知有欽差及總督等先後赴楚始聞風畏懼遽行  
遞減卽見在每包二錢七八分較之原定價值尙加一倍明  
係奸商貪利無厭任意居奇亦由談羽豐平昔辦理不善所  
致至奏稱見今札知高恆飭令定價之處往返咨商徒多紆  
折楚省距兩淮二千餘里信息豈能遽達卽就見在鹽價陡  
落而論淮商自不及與聞則前此之肆值騰涌其爲漢口商  
人牟利自封已屬顯然奸商不遵定價輒敢額外妄增致民  
間有食淡之累實爲法所難貸著李侍堯就近查明違例增

價之商盡法懲究并酌定鹽斤價值使閭閻日用有資卽行  
悉心妥辦具奏並將此旨及原摺鈔寄高恆知之欽此

乾隆二十八年十月初一日奉

上諭前因李侍堯奏湖廣鹽價驟增一事當經傳諭高恆奏覆  
以楚省行鹽一切並由漢口商人經理是以增價情由當與  
淮商無涉今閱李侍堯摺內稱漢口賣商繳出淮商公札有  
囑令不可賤價輕售之語則不得專委過楚商矣但所奏春  
閒每包價銀二錢一二分卽謂淮商札致而然若衛鳳翥等  
竟行賣至二錢七八分之多又豈盡淮商教之耶看來鹽價  
之長落視成本之多寡物情雖本難齊而預定價值自爲節

制商人之常法則李侍堯之說終屬優於高恆也總之高恆在淮言淮其意以恤商爲重而李侍堯在楚言楚亦未嘗以蒞任伊始汲汲欲爲地方以平價便民使二人易地而處亦必更無異說然此究係意見所爲非虛公無我之本心也著傳諭李侍堯等辦理地方公事惟在平心靜氣和衷商推酌中妥辦在漢口不得定價太苛致商人深苦餘息之慳在兩淮亦不得藉詞定價無餘勒捐不往運售致閭閻重貽淡食之患斯商民交便而體制尤爲協宜將此詳諭知之欽此

乾隆二十八年十月二十三日奉

上諭前因湖廣鹽價增長一事傳諭李侍堯令其和衷商推酌

中妥辦在漢口不得定價太苛致商人艱於生息而在兩淮亦不得藉詞息少勒捐不往運售今據高恆奏到見在赴楚引鹽約可銷至明年二三月內是楚省鹽斤目前自不至有匱乏之虞至行銷價值自當酌計成本示以節制固不可聽其任意增長致閭閻食貴滋累若過於裁減或於鹽本不敷將來運售恐不免拮据卽如米穀價值亦隨時長落豈能著之禁令概定石米數錢而強人以所不能耶總之辦理鹽務惟在虛公酌劑立定章程俾商民兩無虧擾不可任情偏聽致刁民猾商從中滋事方爲平允欽此

乾隆二十八年奉

上諭朕前諭高恆赴楚面同李侍堯會議鹽務事宜今據奏到所辦甚屬允協已於摺內批示如所議行從前湖廣行鹽之弊總由不知淮商成本折衷定價是以漢口賣商得以從中影射意爲低昂擡價賒欠侵吞種種作奸而揚商寫遠阻礙遂不得不受其挾制今高恆遵旨前往李侍堯與之協力清釐將成本核定加以餘息明定限制情理皆得其平鹺政可以永行無弊且撤去匣商節減糜費則商力裕而民食益充若非朕深究弊源以會商爲兩省通氣之法安能得其要領若此不但該商民等當爲歡忻感切該督該鹽政公同籌辦益當踊躍倍常溢於言表今覽所奏似不過就事完事初不



以積弊有年始得洞中窺要爲喜豈該督等彼此成見未化  
僅藉此調停了局抑以前此兩兩相持迄無定奪尙不足爲  
鹽法之累耶著傳諭李侍堯高恆令其詳悉覆奏再長蘆鹽  
政原有每年自赴山東盤查道庫體察商情之例楚省距維  
揚雖較山東稍遠然究屬該鹽政統轄之區見在一經親行  
已有明驗嗣後該鹽政或酌量於一二年中親往巡視一次  
之處著一併議奏欽此

乾隆二十九年八月十三日奉

上諭熊學鵬奏嘉松二所本年產鹽不敷接濟請借撥閩鹽運  
浙等語雖引舊例所見過於拘泥甚屬不諳事理嘉松二所

與揚州地本接壤一水可通卽其配運蘇常一帶之用協濟尤爲近便自應就近咨商江省督撫及兩淮鹽政撥運接濟乃轉借撥閩鹽必由海道轉運種種艱難其事殊不可解卽如奏中楊廷璋欲撥及臺灣餘鹽而熊學鵬亦稱其不必是亦知其路遠難濟也行鹽各分地面原爲尋常配引而言若當閩閩淡食之時何必舍近求遠膠柱鼓瑟若此乎在該撫不過以浙閩爲一總督非江督所轄因而心存畛域又豈封疆大臣權宜辦公之道著尹繼善莊有恭會同高恆於兩淮鹽斤內量其有餘就便協撥應用卽一面辦理一面奏聞以濟民食如閩鹽辦運已有先到者亦不妨量用少許餘卽取

給兩淮儻尙無成局則竟行文停止或實有不可行之處卽將實情奏聞欽此

乾隆三十二年十二月奉

上諭普福奏兩淮各商等急公念切呈請捐銀一百萬兩解交內務府以供賞賚不敢仰邀議敘等語前經鹽政據情入告並未允行今復據普福面奏該商等復環籲轉奏情詞懇切因念該商等感恩抒悃旣屬實情且兩淮各商人多引裕較他處情形不同著准其所請不必解交內務府見在滇省辦理軍需著該鹽政將此項銀兩動支公項解送雲南備用該商等仍交部議敘至此此外各處物力非兩淮可比儻有聞風

援請者斷不准行欽此

乾隆三十三年六月二十六日軍機大臣等奉

上諭兩淮豫提鹽引一案見令彰寶等詳悉嚴查辦理俾私蝕官項之總商不得侵公自肥且令其餘眾商共知儆惕惟是兩淮鹽務關係數省民食見在各商俱有應行質訊之處若因此稍有推諉觀望致應運鹽斤或有壅滯則是有心貽誤恐眾商等不能任其咎尤拔世卽悉心籌畫並明切傳諭各商務使源源出運不致稍有停阻自干重罪至此後各處口岸如有能暢銷仍須豫提鹽引情形原可照常奏聞辦理不得以此番懲創遂至因噎廢食欽此

乾隆三十四年二月奉

上諭尤拔世奏淮北食鹽壅滯請嗣後仍照舊例五分融綱五分運食一摺經戶部照例議駁但新舊食引積壓難銷勢不能疏通口岸於商民均有未便且自普福奏請復還原額二分之後甫及一年積鹽仍然壅滯該鹽政所奏自屬實在情形著照所請行欽此

乾隆三十五年十月軍機大臣奉

上諭上屆

皇太后七旬大慶各督撫等俱願臚歡祝

嘏因前屆辛未年各省所辦

慶典過於糜費特派大臣經理其事酌定數目令各彙交承辦處代爲備辦明歲恭逢

聖母八旬萬壽普天同慶自應仍循辛巳年之例特派大臣董事上屆單開兩淮鹽政交銀二十萬五千兩長蘆鹽政交銀十萬兩彼時鹽務尙未徹底清釐此項銀兩必皆派自商眾而以鹽政出名殊屬無謂今鹽政既經額定養廉自當量其所得酌定銀數不應仍令多交致得藉口公事復開派累之漸至兩淮商眾等今春曾至天津爲朕慶祝明春恭遇慈慶伊等自必欲其抒忱悃上祝

鴻釐原不妨俯從所請但伊等各欲自效其衢歌巷舞之誠毋

庸官爲代辦臨期可量留段落令其來京自行承應俾摠愛戴其長蘆兩浙商人照兩淮量加節減並酌留段落聽其自申忱祝將此諭令李質穎西甯熊學鵬知之其河東兩廣距京較遠無庸令商人跋涉仍照上次之例酌定數目令其轉交董事大臣代爲備辦並諭李侍堯固士衡知之欽此

乾隆三十七年十二月十五日奉

上諭據李質穎奏金灣閘下至泰壩天池有連鹽河一道河底淤墊重載難行各商請借鹽課挑濬分作二年歸欸一摺其事自屬應辦已如所議行矣惟閱奏到河圖內有孔家涵口門擬建石閘一座之說其意以該河下游各處水大易於淹

沒因欲將石閘堵束以資利便不知閘座專爲蓄水而設若  
河身水淺時下板瀦流不使乾涸原可得其節蓄之力卽如  
山東一帶運河及兩岸水櫃各湖閘座皆以留不足之水勿  
使輕注下游非防有餘之水令其宣洩來源也今該鹽政  
欲建閘以禦盛漲尙未識行水關鍵蓋當奔湍直下雖堰壩  
尙不能支豈閘門數片之板所可抵遏並恐因置板受阻勢  
必潰溢橫行轉致有損無益不可不慎之於始圖內已用硃  
筆點識高晉於河工事宜最爲練悉著將原圖寄交高晉閱  
看令其將應否建閘及當如何另爲籌辦之處詳勘妥議據  
實覆奏欽此



乾隆三十九年六月二十三日奉

上諭李質穎奏鹽政衙門收支節省各項銀兩數目單內開有總理鹽務總督養廉三千兩一項總督於鹽政事務向來有總理之名並無兼辦之事舊例相沿支給養廉原覺無謂此項鹽政養廉既非循名副實之道不應一例兼支嗣後鹽政衙門動支銀兩內卽將此項刪除永著爲例欽此

乾隆四十一年十月十五日軍機大臣等奉

上諭伊齡阿奏兩淮綱食口岸兩載以來營運紆徐鹽引暢銷各商感恩叩懇面請聖訓等語所請大謬已於摺內批令不必來並傳旨嚴行申飭矣伊齡阿今春於山東接駕時見其

諸事頗露高興進貢數次勤而且多朕以其斷非一人養廉所能購買必係派令商眾代辦伊齡阿攘爲已有所謂慷他人之慨尤屬非理當加訓飭教導總覺其不甚安分鹽政實非所宜是以將伊調任淮關監督至伊齡阿今春甫於山東行在召見閱時未久又欲奏請陛見不過思於來京面見時代商人奏請呈進銀兩貢物藉以獻勤討好所見甚屬小器至口岸暢銷私販絕迹各商營運紓徐於眾商自屬有益伊等皆近利三倍之人力量從容正可藉霑餘潤豈真願悉出其所有以爲貢獻況前此金川用兵之時眾商懇請出貲助餉尙屬有因今大功告成部庫尙存六千餘萬朕方以日漸

盈積籌所以裕民藏富之道豈可復令商人爲此無名之捐助耶看來伊齡阿識見鄙瑣若此在鹽政任內不知如何多事高晉以大學士管理總督又兼管鹽務且常往來淮揚之間豈竟毫無聞見如伊齡阿果有不妥之處卽應早爲具奏今經朕傳旨查詢已覺遲緩若再稍存瞻徇迴護則更自取重戾矣著高晉卽速秉公確查據實覆奏慎勿徇飾干咎欽此

乾隆四十二年十二月初九日軍機大臣等奉

上諭山東曹沂一帶鹽梟之案已經屢犯由其地與海贛鹽場相近而各場所出餘鹽舊例原爲贍恤貧乏之用日久遂爲

奸徒牟利之資卽或嚴爲查禁非肩挑背負不許出場而此等梟眾無難私雇窮人在場如數攜出彼卽從旁收買一落其手仍可積少成多販行無忌是此例不除流弊終難盡絕不可不通盤籌畫以期妥善也且此等肩挑背負之鹽期使瀕海貧戶稍獲微利以謀生乃積久法弛窮民之濡潤有限奸販之影射寔多竟以老少之利源變而爲私梟之弊藪可不急改絃更張乎朕意與其存此例以滋弊莫若去此例以防奸自應將各鹽場所出餘鹽貧民肩挑背負歲可獲利若干通行核計卽照數官爲收買散給貧民其一切肩挑背負之例悉行停止則貧戶仍得倚以餬口奸徒無由藉以犯科

實爲兩便其收買之鹽或仍給商領銷或並聽商買用務使挑負之眾仍免向隅而場竈所餘亦無狼籍正本清源之道莫過於此著傳諭有鹽各省分督撫及各鹽政等如何設法辦理之處就各省實情公同悉心妥議詳晰覆奏又如湖廣省向多川廣私販陝甘省向售蒙古私鹽與此等情形又復不同或係積久相安或應另爲籌辦務將各實在情形妥爲籌議朕意籌度如此但各省地方及場竈情形未能深悉其事是否可以行之有益而無弊著各督撫會同各鹽政按該處實情斟酌妥善據實覆奏不得因朕有此旨稍存遷就也

欽此

乾隆四十三年五月軍機大臣等奉

上諭兩淮見有查辦場竈餘鹽事宜必須鹽政悉心妥定章程方能有益而寅著人甚糊塗斷非伊所能經理因念伊齡阿尙屬能事已降旨仍調兩淮鹽政矣伊齡阿前在鹽政任內屢派商人多辦貢物伊出名呈進討好頗露高興朕所不取又恐其日久累商因將伊調任淮關俾知改悔伊在淮關兩年關務漸有起色而寅著調任鹽政以來每歲所進仍與伊齡阿無異是鹽政辦貢惟取給於商人而本任所得養廉大率存留不動所謂慷他人之慨誰則不能且惟以誇多鬪靡爲事日甚一日長此安窮商人行鹽固有自然之利然亦當

令其稍留餘潤俾之自贍身家若辦貢一事過於苦累必致漸形竭蹶既非所以恤商卽辦事亦恐不能無誤爲鹽政者可不知計及乎伊齡阿仍調鹽政務宜仰體朕教誨成全之恩痛改前非勿萌故智仍蹈前轍欽此

乾隆四十七年七月初八日奉

上諭四庫全書見在頭分已經告竣其二三四分限於六年內按期蕝事並特建文淵文溯文源文津四閣以供藏庋因思江浙爲人文淵藪允宜廣布流傳以光文治見特發內帑銀兩雇覓書手再行繕寫全書三分分貯揚州大觀堂之文滙閣鎮江金山寺之文宗閣杭州聖因寺內今擬改建文瀾一

閣以昭美備著傳諭陳輝祖伊齡阿盛住等所有大觀堂金山寺二處藏貯圖書集成處所其所空餘格甚多即可收貯四庫全書若書格不敷著伊齡阿再行酌量添補至杭州聖因寺後之玉蘭堂著交陳輝祖盛住改建文瀾閣並安設書格備用伊齡阿盛住於文淵閣書格式樣皆所素悉自能仿照妥辦至修建書格等項工費無多卽著兩淮浙江商人捐辦伊等情殷桑梓於此等嘉惠藝林之事自必踴躍觀成歡欣從事也將此各諭令知之欽此

乾隆五十二年十月十五日奉

上諭向來鹽大使因無地方之責並不迴避本省然鹽斤旣關



乎民食且所屬曬丁竈戶錢糧詞訟俱係該員經理究恐有徇私瞻顧等弊嗣後鹽務各員銓選分發俱令迴避本省其見在各省鹽場各員有籍隸本省者該部一體查明籤掣更調以示慎重官方之意著爲令欽此

乾隆五十三年四月二十五日軍機大臣等奉

上諭據全德奏回空糧船最易夾帶私鹽見咨漕臣毓奇豫飭各幫毋許私帶並咨行各關務於回空經過時一體嚴查又淮安揚州設有搜鹽廳二處淮安由督臣漕臣派員搜查揚州由督臣鹽政派員搜查均飭懷遵查緝其江甯各口岸亦有滯銷之處已會同書麟嚴飭文武各員設法緝私如有疏

懈指名參處等語回空糧船夾帶私鹽定例原應嚴禁卽鹽梟等往來私販經過地方及各關口俱有稽查之責若果平時彼此留心各能嚴加防範何致有如許弊端致私鹽充斥官引不能暢銷地方文武鹽政呼應不靈而漕船非其所管亦難於稽查周密見既查有此等積弊皆係該督等從前廢弛所致況沿江沿河要隘處所俱有巡役原爲緝私而設聞商人等向有幫費是旣得其津貼尤不應不代爲查緝至漕船往來准其攜帶貨物已屬加恩體恤乃從中影射販私該總漕不能查出已難辭咎儻更知而故縱甚至從中分肥尤屬不成事體今姑不究其旣往著傳諭書麟毓奇嗣後務宜

兩淮鹽法司卷之二  
三  
嚴飭所屬實力搜查務將夾帶透漏各弊防禁肅清毋致官  
鹽再有稽滯至兩淮鹽引在湖廣地方銷售最多近因川省  
侵銷浮費滋重商人不能獲利以致引鹽積壓屢經降旨嚴  
飭矣地方官吏緝私是其分內乃以此藉口向商人需索已  
大干法紀而又不爲之認真查緝私販捫心甯不知愧見經  
全德奏明將各項浮費悉心裁減著再傳諭舒常姜晟務宜  
潔己率屬實心整頓協力妥辦若再因循廢弛仍蹈陋習或  
陽奉陰違私存匣費之名累商滯引一經發覺恐該督等不  
能當此重咎也欽此

乾隆五十三年五月二十八日軍機大臣等奉

上諭舒常奏稱兩淮鹽引向在湖廣行銷每年正額七十八萬餘道商人接引捐輸以備應酬之用名爲匣費近因漢口店商經理不善任意開銷以少報多浮費日重商人等不能獲利配運不前此次積壓之由亦因該商等不能按額運到楚省所致又兩淮有融銷之例以別省口岸應銷之引運至楚省行銷商人等恃有通融遂致正額不能運足等語湖廣匣費陋習相沿已非一日乃不肖官吏因可從中需潤遂至視爲利藪該管道員旣向店商浮開取用而店商等開與本商時又復虛增銀數以肥囊橐層層剝削致商人等虧折成本配運不前近年鹽引積壓卽由於此但湖廣鹽道本屬鹽政

專轄如果該鹽道經理不善該鹽政原可具摺參奏另請簡放卽或楚省督撫竟有從中滲潤情事該鹽政斷無不知之理亦何妨據實參奏乃歷來鹽政從無奏及此事者外省官官相護惡習牢不可破屢經降旨嚴飭見據舒常奏稱該省匣費已全行禁革是商人等不復有虧累情弊已無可籍口著傳諭全德嗣後務飭該商等將應銷楚岸引鹽每年依數運到年清年款其匣費一項經此次禁革之後若該省官員尙有陽奉陰違藉端需索浮開者亦卽查明嚴參毋得仍前瞻徇累商缺配積壓綱引致干重戾至融銷一節如果楚省口岸暢銷原定正額不敷售賣固不妨以他省之引運至漢

口接濟民食乃楚省正額尙未能全數運到轉先銷他省應行之引以致正引積壓向來辦理殊未妥協此後融銷之鹽應俟楚岸正額銷竣後准其銷售如正額引鹽未經運到卽將融銷之鹽抵作正額庶該商等不至因引可通融借端缺配並著傳諭全德卽遵照飭辦欽此

乾隆五十三年奉

上諭淮南綱鹽向在漢口分銷如果楚省官員實力緝私何至官鹽積滯此皆由地方官吏平日巡緝不力以致川省私販充斥著該督撫嚴飭所屬梭織巡查仍時加察訪如有奉行不力仍前弊混者卽據實參奏至川省與湖廣接壤雖楚省

向有數府例食川鹽自不能禁其販運但亦應嚴清境界止  
令於食川鹽州縣地方販售豈容任意侵銷著傳諭李世傑  
幫同嚴查除應食川鹽州縣仍聽其運往外其餘一概嚴行  
禁止庶商販無從夾帶官鹽自可暢銷欽此

乾隆五十六年二月初七日軍機大臣等奉

上諭據孫士毅奏淮北私鹽見飭令述德設法偵緝密速擒拏  
茲據稟稱拏獲私鹽大小船十三隻私販水手三十餘名約  
其鹽十餘萬斤見將解到各犯親加訊鞫如供有應拏要犯  
再行查拏到案詳細質訊徹底究辦等語兩淮地方私鹽出  
沒官引不能暢銷於釐政大有關係今拏獲私鹽竟有十餘

萬斤大小鹽船十三隻之多自應確查來歷有無水陸窩頓之處其同夥私販共有若干均須逐一切實根究從嚴辦理著傳諭孫士毅會同朱珪督飭所屬凡淮南淮北各令其往來躡緝以專責成以淨根株至此案私鹽雖經人鹽並獲爲數甚多其沿途地方文武各官如查明一到本境卽經協同緝獲自可免其議處若實有留心緝捕認真出力之員再咨部議敘儻經過所管之境毫無知覺雖被別處拏獲其經過失察之地方官仍當照例議處以示懲儆並著該督等查明辦理分別勸懲庶該地方官各顧考成益當竭力搜擒私鹽自可不致透漏若因此案拏獲多人該地方官概免議處轉



恐啟伊等倖免之見以致緝私疏懈也欽此

乾隆五十六年三月二十六日奉

上諭姚棻奏江西建昌界連閩省該處私鹽多從福建販入可見建昌一府雖例食淮鹽而距淮南二千餘里離閩省邵武汀州等處不過二三百里運鹽程站較之淮南近至十倍其鹽價自必貴賤懸殊欲百姓之舍近賤而食遠貴原非正道卽禁閩販之不入江境顯屬有名無實不知從前定例時何以不將鄰閩府分就近行銷耶他如湖南之永順湖北之宜昌等府與川境毘連該處私鹽俱從四川運入以此類推各省多有在鹽政等各有額定引課所謂出納之吝不肯通融

辦理殊不知建昌與閩省相近永順宜昌等府與川省相近何妨改川閩引鹽所有應徵鹽課卽移在該二省輸納如此一轉移閒不特便於民食卽私販亦無影射獲利其弊自可不禁而止但此事行之既久一涉更張恐致滋擾扞格難行著傳諭各督撫酌量情形悉心核議如能不動聲色彼此確商調劑可省許多緝私之繁著會銜詳議欽此

乾隆五十六年四月大學士和珅議奏江西建昌府距閩較近或可改歸就近省分一疏奉

上諭長麟見在署理兩江總督江西乃其所轄著卽帶印前往與全德一同至彼會同姚蔡悉心妥議並知會閩省督撫會

商辦理至從前定地銷鹽分畫疆界鹽政衙門必有成案可稽全德接奉此旨卽查明定例時因何不按遠近定立疆界又行之已久何近年方有此弊商人等行銷納課是否早經賠累拮据一面先行覆奏一面會同長麟起程前往欽此

乾隆五十六年五月內閣奉

上諭前據姚弢奏江西建昌府屬界連閩省之區私鹽路徑較多堵緝稍難必須於各要隘添設卡巡一摺彼時以建昌距淮南二千餘里離閩省邵武汀州等府不過二三百里運鹽程站較之淮南近至十倍其鹽價自必貴賤懸殊欲百姓之舍賤買貴舍近求遠於情理亦未平允何以從前定例時不

將鄰閩府屬就近行銷並恐他省亦有似此者因降旨通諭各省督撫彼此酌商調劑使商民交便以省緝私之繁嗣據孫士毅等奏酌籌建昌府屬設卡巡緝章程朕恐有名無實且商人行銷鹽引利於就近而憚於遠行運鹽道路愈遠腳價愈增所費已屬不貲若又添設卡巡多增費用不特病民而且病商復令長麟全德前往該處察看情形詳妥辦理昨又思無知小民惟利是圖祇知得尺則尺得寸則寸如建昌畫入閩省私販卽越過建昌沿及撫州南昌無所底止恐巡緝亦未能周到傳諭長麟等不可迴護前旨稍存拘泥遷就之見朕辦理庶務毋必毋固惟期利民便商從不豫存成見

今據全德將前旨所詢數款查明覆奏所言甚是其摺內稱若將建昌府一府改食閩鹽恐撫州等府漸有私鹽闖入於通省鹽務有關是以該處向係減價敵私合通省綱力派出公費貼補與昨降諭旨相同果不出朕之所計從前酌定行銷引鹽運道全藉關津山隘得以稽察遮攔若舍此久定之界聽其就便行銷則平原地面毫無阻隔鄰鹽逐漸侵入必至無所底止且以通綱之力資助建昌一府公費眾擎易舉於該處商人並無賠累况有杉關等隘口可恃爲門戶堵截閩私自應照孫士毅奏設立巡卡增派兵役嚴密稽查以絕私販侵越之路至江西一省情形如此則他省可知看來該

督撫等酌議到時亦與全德所奏大畧相同此事竟可不必更張以悉仍其舊爲是長麟全德如未經出境均可不必前往如已前赴江西祇須將各隘口如何設卡巡緝可期永絕私販之處會同詳悉履勘核定章程據實具奏毋庸再議盡歸閩省之事總之整飭離務全在各地地方官實力緝私認真督察使各銷各地毋任鄰境鹽斤絲毫闌入則官引自必暢銷私販無利可圖並可不禁而自止也欽此

乾隆五十六年五月內閣奉

上諭刑部議覆江蘇省拏獲鹽犯謝鴻儀等分別治罪一摺案內孫元梅以監生窩頓私鹽至四千觔以上特符庇匪未便

因其係屬監生卽得免其爲奴應將該犯改發黑龍江給披  
甲人爲奴等語所奏是已依議行矣該部議從重原係遵朕  
諭令改者向來監生犯事罪應發遣者例祇發往當差與平  
人爲奴者不同定例本未允協監生捐銜者多卽實是監生  
旣名列成均理宜懷刑自愛若以定例從寬輒敢恃符玩法  
較之無知愚民尤爲不肖且旣已犯罪斥革卽與平人無異  
豈得因其原屬監生卽免爲奴致滋輕縱嗣後監生犯事有  
似此情罪較重者俱照平人一律辦理至在籍候選之進士  
舉人及其餘舉貢生員皆屬身列衣冠名登黌序若能安分  
守法立品讀書爲小民倡率原當加以禮貌別於齊民儻恃

符縱肆自蹈刑憲是卽不知君子懷刑之意爲士林所不齒  
免其加倍治罪已屬法外施仁復轉較平人從輕定擬何以  
明刑弼教嗣後進士舉貢生員等如祇係尋常過犯不致行  
止敗檢仍照舊例辦理若係黨惡窩匪卑污下賤者著俱照  
平人之例問擬以示懲儆欽此

謹按此條係爲江蘇拏獲鹽犯而設舉貢生監如犯  
私鹽自應一律照擬兩淮見遵奉行故恭載焉

乾隆五十六年五月二十二日奉

上諭畢沅等奏永順宜昌兩府每年定額不過各銷三千餘引  
淮商並不爭此綱地實係恃此數處險隘以爲蔽私之地如



改食川鹽實有扞格難行之處應請仍循其舊等語此事昨已明降諭旨將各省行銷引地悉照舊定章程辦理毋事更張矣今畢沅所奏永順宜昌兩府不便改食川鹽尙與諭旨相合自應照舊辦理惟所稱永順龍山等四縣如遇淮鹽不能接濟仍令零星買食川鹽聽從民便但不得過十斤以上一節所言殊屬未當該處毘連川境小民因淮鹽不能接濟零星買食川鹽亦勢所常有但不可定以銷鹽斤數使百姓以買食私鹽業以奉有明文遂至逐漸增多無所底止設如畢沅等所奏以十斤爲率明立科條不啻導以興販私鹽之路況小民趨利若鶩或於十斤之外加增數斤地方官豈能

按戶稽查逐一稱驗如果私販鹽斤事經發覺自當按法懲處若係官鹽不能接濟零星買食地方官祇可行所無事所謂民可使由之不可使知之畢沅等所奏永順等四縣買食川鹽定以十斤之處不必行將此各諭令知之欽此

乾隆六十年閏二月奉

上諭福甯奏襄陽拏獲豫省私鹽十餘起又在宜昌地方拏獲囤積私鹽之戶著阿精阿將此次私鹽是否河東私販抑係長蘆偷越之處查明究辦並於口岸嚴密稽查欽此

乾隆六十年九月初五日奉

上諭舊例在京王大臣及督撫等每逢年節備物呈進酌量賞

收原以聯上下之情來歲丙辰屆朕歸政爲太上皇若於年  
例之外添備一分呈進皇帝則伊等所得廉俸或不足敷辦  
公且恐外省督撫致有藉端私行派累之事若祇備進一分  
伊等於心又有未安國家百年昇平大內備貯陳設物件甚  
多原可無需再行呈進徒滋糜費著自丙辰年爲始內外大  
臣所有年節三貢竟無庸備物呈進惟元旦及朕與嗣皇帝  
壽辰慶節在朝大臣亦祇須備進如意以迓吉祥而申悃忱  
逾日仍不過分賜眾人也至各省土貢及鹽政織造關差年  
例備進物件如菓品茶葉之類係備頒賞之用應仍照向例  
次數備進一分不得復有增添別物內外大臣職任部院封

圻惟當恪恭盡職勉思報稱原不在備物抒誠嗣後務須仰體訓諭遵照辦理如有仍前備物瀆進者必當交部議處將此通諭知之欽此

嘉慶元年正月初二日奉

太上皇帝敕旨前降諭旨以丙辰年爲始內外大臣年節三貢毋庸備物呈進但王公大臣等年節呈進如意自雍正年間舉行至今以聯上下新年喜慶之意是以仍准呈進分賜以迓吉祥乃昨日貝勒貝子公等及部院侍郎散秩大臣副都統紛紛呈進如意兩分殊覺煩瑣不可不定以限制嗣後凡遇元旦及朕與皇帝壽辰慶節宗室親王郡王滿漢大學士

下江監治三 卷二 三  
尙書始准呈進如意其餘概不准呈進至外省督撫止准接  
例呈進土貢其鹽政織造關差俱有得項所有年例辦進備  
賞之物俱仍照向例按次呈進一分以備賞用不得復有增  
添儻伊等私自備物瀆進一經查出必當重治其罪以節糜  
費而示體恤欽此

嘉慶四年正月十五日奉

上諭朕恭閱

皇考硃筆有嚴禁內外大臣呈進貢物

諭旨二道

聖訓煌煌

垂戒至爲明切夫貢之爲義始於禹貢原指任土作貢而言並非崇尚珍奇所謂不貴異物賤用物也我

皇考頒諭飭禁至再至三祇因和坤攬權納賄凡遇外省督撫呈進物件准遞與否必須先向和坤關白伊卽擅自狂駁明示有權而督撫所進貢物在

皇考不過賞收一二件其餘盡入和坤私宅是以我

皇考雖屢經禁止仍未杜絕試思外省備辦玉銅瓷書畫插屏挂屏等件豈皆出自己資必下而取之州縣而州縣必取之百姓稍不足數敲扑隨之以閭閻有限之膏脂供官吏無窮之臉削民何以堪况此等古玩饑不可食寒不可衣真糞土

之不若而以奇貨視之可乎國家百數十年來昇平昌阜財賦豐盈內府所存陳設物件充牣羅見在幾於無可收貯之處且所貢之物斷不能勝於大內所藏卽或較勝視之直如糞土也朕之所寶者惟在時和年豐民物康阜得賢才以分理庶政方爲國家至寶耳至應進土貢原爲日用所必需如吉林黑龍江將軍每年所進貂皮東珠人參係該處所產之物其他如川廣之藥材九江之瓷器江浙之綢緞及徽墨湖筆牋紙茶葉瓜果等項原不外任土作貢之義仍准按例呈進所有玉銅瓷書畫挂屏插屏等物嗣後概不准呈進至在京王公大臣每年所進分例尙不能敷當差之用豈有餘

資亦不許呈進貢物若內廷翰林所錄御製詩文冊頁及自作書畫等件尙可呈進斷不許增入古玩至各省鹽政織造關差等並無地方理事之責其應交盈餘銀兩見令戶部查明方擬酌減伊等辦公更可裕如應進貢物准其照例呈進再年節王公大臣督撫等所進如意取兆吉祥殊覺無謂諸臣以爲如意而朕觀之轉不如意也亦著一併禁止經朕此次嚴諭之後諸臣等有將所禁之物呈進者卽以違制論決不稍貸特此明白宣示通諭中外知之欽此

嘉慶四年七月二十四日奉

上諭費純奏江甯府知府許兆椿潔已愛民曾委護道築於鹽



務船工頗爲熟練請卽以許兆椿補授江甯鹽巡道等語江甯鹽巡道係屬部選之缺若因該督保舉卽將外省知府升補於部中成例旣屬不合且督撫等參劾一員復保薦一員若卽照所請擢用不免啟倖進之門所有江甯鹽巡道仍著歸部照例銓選欽此

嘉慶四年七月二十五日奉

上諭各省進呈方物原以備賞賚之需見在二十七月之內萬壽慶節並不舉行筵宴無須頒賞所有各督撫及鹽政關差織造應進方物概行停止呈進若中秋節令外閒不過瓜餅食物酬酢往來內廷並無宴賚之例尤非萬壽及端陽歲除

可比嗣後中秋節貢永遠停止欽此

嘉慶五年二月二十一日軍機大臣等奉

上諭御史鄭宗彝奏請飭查鹽務岸費一摺湖廣江西運鹽口岸向有匣費自經裁革後商人成本減輕於辦運實多裨益乃日久懈弛其弊復生竟至有每引用至一兩數錢以上之事其運鹽江船復不遵奉官價任意高昂而自場窳至各口岸無益之費有增無減似此種種糜費商本日虧於國課民生所關匪細著傳諭姜晟張誠基書魯巖飭各岸商人務將浮費盡行裁汰不得復有加增卽有必不能省者亦令該商等酌定數目費歸實用毋許絲毫浮冒儻此後裁革各款仍

屬有名無實惟該督撫鹽政是問欽此

嘉慶五年三月初六日內閣奉

上諭戶部議覆長蘆鹽政觀豫奏請蘆東鹽斤加價一摺所駁甚是已依議行矣見在軍務尙未蒞事一切兵餉供支皆須發帑接濟固應寬爲籌備但朕斷不肯因此有累及閭閻之事教匪何民也原因不肖官吏勒索苛刻激成此事至今未能復業自滋事以來到處焚掠裒脅百姓逼於飢困不得已而從賊是欲剗平賊匪必先使吾民各安生業民安而賊自可平多安一民卽少一賊此事理之必然者若因軍興需費浩繁遂思朘削百姓之脂膏冀補國家之帑項或致生計不

足別滋事端卽言利則所費豈不更多爲害更大朕躬行節儉永杜貢獻言利之徒無所施其伎倆惟近日臣工往往藉軍需爲名在朕前嘗試巧言利國實皆利己此等假公濟私之人本應加之譴責但人材不易豈遂以一眚遽斥此時亦第存之於心不肯宣露早已薄其爲人矣卽如長蘆加增鹽價一事雖計算食鹽之人每日所費不過一二文似屬有限而不知鹽斤爲食用所必需一經議增則人人均受其累且私販本因官鹽價昂而起今再議增加則私鹽自必更爲充斥官引墮銷愈多長蘆鹽價加增已非一次卽該商積欠各欸節經寬免展限者亦非一次恩施不爲不厚豈得復行干

瀆爲此無厭之求况鹽價既增之後卽不能復減累民甯有  
己時雖據觀豫奏稱此次加價爲清完積欠而設但加價之  
後該商等亦未必能清完國課徒然病民以裕商更屬不值  
朕甯可使帑項有稽而斷不肯朘民以益帑况天下山陬海  
澨所有財貨皆朕之財貨豈必聚於宮府踵瓊林大盈之鄙  
識哉爲天子者富有四海不問有無藏富於民周流泉幣斯  
得九五福之二曰富大旨矣昨兩淮浙江廣東各商俱籲懇  
報效而長蘆商人並未呈請出貲助餉更無可藉口今若允  
該商等所求致兩淮等處亦復效尤紛紛懇請加價更無所  
底止矣朕勤求上理惟思克己利民以符損上益下之義將

來軍務完竣卽見開捐例亦當停止豈有無故將鹽價加增之理乎觀豫此摺雖未必爲牟利私己起見但率聽商人懇懇遷行瀆請實屬不合觀豫著飭令將朕此旨與諸王及大學士九卿同看卽行覆奏欽此

嘉慶五年十二月奉

上諭費純等奏勘明淮安府屬之天妃正越石礎三間係緊要開工急需修理請於藩運兩庫借項興修等語該處開座藉以蓄水濟運因年久失修難資啟閉自應乘時趕辦茲據估需工料共銀四萬二千七百四十一兩零著照所請於藩運兩庫各半借給其藩庫銀兩自嘉慶六年起分作五年按田

攤徵運庫銀兩分作辛酉壬戌兩綱按引帶還照數歸欵該部知道欽此

嘉慶七年二月十四日軍機大臣等奉

上諭御史喬遠煥奏請調劑楚省鹽務以杜積弊一摺據稱楚省行銷兩淮綱引近年該管道員私立封輪之禁將淮綱先到船隻查驗號數開售其後到船隻均封貯漢河不准搶賣奸商得以居奇壟斷民間有淡食之虞又將已裁漢商匣費酌定銀數並逐漸加增致該商等暗扣折頭濫行開支等語引鹽向無輪售之例從前該省於鹽船抵漢均係不論先後聽商起售何以近年該管道員立有封輪名色是否必應如

此辦理抑係管理鹽務官員私設此例爲抑勒地步至匣費  
久經裁革該御史摺內所稱己未庚申兩年共派銀八十餘  
萬及百萬兩不等之處是否因辦理軍需添湊支用抑係該  
管官員私行派累並著吳熊光徹底清查據實奏聞欽此

嘉慶八年正月奉

上諭據估山奏籌杜鄰私以衛淮綱一摺豫楚兩省向爲淮綱  
暢銷引地今據該鹽政稱湖廣河南近來官引滯銷並非場  
竈透漏所致實由晉鹽越境私販浸至蔓延是以例食淮鹽  
之民俱不免有避貴就賤樂於買私等弊固屬實在情形但  
估山所奏祇就晉省池鹽而論朕聞山西地方多食阿拉善



兩淮鹽法通考卷二  
三  
蒙古鹽本省池鹽不能行銷以致侵越他省並有將蒙古鹽斤販至豫楚私銷者各該處民人貪食賤鹽官鹽行銷益少甚於引課有礙是欲截流清源不獨嚴禁池鹽私越並當將蒙古鹽行銷處所畫定地界以杜流弊庶兩淮南北官引不致滯銷其如何籌定章程之處著佶山會同吳熊光伯麟馬慧裕三人悉心妥議具奏欽此

嘉慶八年七月奉

上諭佶山奏請將淮北未銷引鹽融撥淮南代銷一摺事屬可行淮北綱鹽運行安豫兩省見在既有壅積自應設法疏通前於嘉慶四年因淮北引鹽壅滯經該鹽政奏請淮南代銷

辦有成例此次卽照所請將淮北未銷壬戌綱引鹽暫撥五萬併引於淮南地方代銷所有引課卽入於癸亥綱同正引一併奏銷欽此

嘉慶九年十月二十六日內閣奉

上諭前因佶山奏兩淮綱引不能暢銷請將運豫潞鹽定額給票以杜侵越當經降旨令同興及張師誠悉心體察晉省民情有無妨礙妥議速奏茲據同興奏到辦理情形殊不明晰晉省鹽引歸入地丁久已聽民自運多少本無定數若仍照舊額官爲給票勢必先由產鹽地方專員經理並分員稽查覈如此仍與官引無異而同興摺內又稱多一衙門稽查恐多

一需索之弊僅交與渡口委員填票交各商販收執其無票船隻一概不准過渡是鹽船之得渡與否全憑該委員一人專主縱放勒索聽其所爲其利權過重欲除弊而弊更增且由各該管州縣鈐用印信票紙自必指行銷之各州縣而言焉有產鹽之區漫無限制轉令行銷之處發給印票之理殊屬含糊况商船過河總有先後若先到者得票放行而後到者因票已給完輒行截留必致易起爭釁釀成事端卽商船同時俱到該委員索費入己卽給票放行其無費者概不准給票更可高下其手於杜弊之道毫無裨益同興不過爲一時遷就之計其實私鹽仍不能禁止徒開委員及胥吏等需

索之路而已所有晉鹽給票一事仍著交該部再行妥議具奏欽此

嘉慶十年四月初一日軍機大臣等奉

上諭前因裘行簡條奏調劑閩浙鹽務一摺經大學士等議請敕交閩浙總督詳悉妥議具奏到日再行覈覆茲據玉德奏稱該省鹽埕係竈丁用本開成世守恆產按埕徵輸坵折並無另有私埕各路商人祇有完課領引赴場向竈買鹽運銷並不在場曬鹽亦無民地盡爲商有之事又稱若將漳泉四府鹽斤聽民自曬自銷則鹽埕盡歸民有不免更起爭奪且恐私販充斥有妨鄰省綱地等語所奏自係實在情形閩省

鹽務前經疊次辦定章程奉行已久相安此時固不必輕議更張况議立一法必須通盤籌畫行之方無窒礙閩省毘連省分甚多卽如江西之建昌撫州等府應食淮鹽地方見在猶慮閩鹽偷越不得不減價敵私設法行銷若將漳泉等府鹽斤聽民自曬自銷則小民趨利若鶩販負載塗隨處充斥查禁益難必致淮綱大有妨礙從前晉省鹽務自改歸地丁之後私鹽往往侵越淮鹽引地查緝難周若閩鹽再有偷漏則淮綱南北口岸豈不盡被私販侵占於饒課殊有關繫其餘接壤之浙江廣東等省情形均可類推至海洋盜匪多係地方無賴嘯聚爲奸何至貧民無業遽至流爲竊劫是卽

鹽歸民運在安分者或資生業而桀黠愚頑未必卽能盡化爲良且漳泉一帶民俗獷悍利之所在易起爭端更不免益滋鬪很訟獄繁興尤不可不大爲之防所有閩省鹽務仍著循照舊章辦理該督惟當隨時體察以期裕課恤商勿使積欠纍纍徒使官民受困方爲妥善欽此

嘉慶十二年十二月軍機大臣議駁兩江總督鐵保奏於揚州添設弁兵緝捕私鹽一摺奉

上諭所駁是各省產鹽地方凡遇私梟出入原應文武各官嚴行查拏江南淮揚通海四屬前於青山三江等處旣經設有守備二員專司巡緝加以地方文武協同查拏果能認真辦

理不肖匪徒自當斂跡若如該督等所請復於揚州府城添設鹽捕專營恐弁兵等希圖邀功或致滋生事端而地方各官轉以巡緝業有專員反得藉詞推諉於鹽務更屬無益且各省有官鹽地方若似此相率奏請添設徒滋紛擾嗣後該督等惟當督飭地方文武各官實心緝捕俾私梟無從興販地方自臻甯謐不在多改舊章也欽此

嘉慶十五年七月十九日內閣奉

上諭嵩年奏查禁軍船夾帶私鹽章程一摺據稱杜絕弊端當禁止官鹽之濫售及搜查軍船之夾帶見於產鹽處所設法查緝其軍船例准買帶食鹽四十斤應給與印照以杜影射

並於直隸滄州及山東河南產鹽之區委大員認真搜查等語軍船夾帶私鹽不獨有礙淮綱卽沿河各引地亦有滯銷之患自應大加整頓力爲查辦該鹽政務當督飭場所各官梭織巡緝如有私行販賣卽嚴拏究辦至軍船例應買帶食鹽若不明立章程則丁舵水手借端弊混難以查察著漕運總督轉飭運弁於幫船回空之日如果食鹽短缺給與該旗丁印照一紙令其持照赴店照例置買自不致再有透漏其直隸山東江南逼近灘場處所鹽價較賤尤易滋弊著天津兗州徐州各鎮於幫船回空之際實力巡查並著該督撫派委道府一員一體搜查如有例外多帶鹽斤一面飭令軍船



歸次受覓一面扣留私帶之人嚴行懲辦務使國戶姦丁咸知畏法以清弊源欽此

嘉慶十七年八月軍機大臣等奉

上諭百齡等奏通籌南河善後工需一摺內稱覈計江南江北地畝若按照靳輔舊議每田一畝出銀一錢計算可得銀三百一二十萬兩等語朕惠愛黎元與民休息從不肯議及加賦今令按畝出銀非加賦而何見既據該督等覈計善後各工不過需銀三百萬兩所有前議著卽停止毋庸籌辦其另摺奏准商捐輸銀四百萬兩並另片請將此項銀兩除撥節辦公之外尙餘銀一百萬兩解交內務府備賞等語南河善

後工需淮商既懇請捐輸通盤估計三百萬兩已可集事商捐亦係民力但取足敷工用而止其額外多餘之數另解內務府殊可不必見在外省支撥欸項部庫不敷每年尙由內務府撥給數十萬兩朕躬行節儉從無濫費內務府亦無需如許賞項已降旨將淮商捐銀祇賞收三百萬兩其餘一百萬兩仍給還該商等以示體恤欽此

嘉慶十七年十二月初九日內閣奉

上諭大學士會同戶部奏議駁常明請將川省計引鹽課改歸地丁完納一摺所駁甚是川省鹽務行商等擡價病民復慮鹽不暢銷招集匪徒妄拏滋事該省無業之人聚充私販漸

兩淮鹽法司卷二  
與官商爲敵常明係本省總督既屢有搶奪案件自當嚴行查辦免滋弊端今據請將鹽課改歸地丁聽民興販此議若行不但該省姦民趨利若鶩爲害滋甚且川省與兩湖毘連私販順流而下浸灌淮綱諸多窒礙常明身任封疆不爲地方計及久遠又不通盤籌畫於鄰省利弊顯分畛域除所請不准行外常明仍著交部嚴加議處欽此

嘉慶十八年十二月二十八日奉

上諭阿克當阿奏淮南監掣同知等官並分司張應銓懇請捐銀以備賞需各一摺前因豫東匪徒滋擾江境亦有駐兵防守之處經百齡等奏請捐廉協濟軍需鹽政阿克當阿運使

廖寅職分較大皆准其交納道府以下卽不淮行監掣同知以下微末職官廉俸無多阿克當阿乃據情代奏懇請捐輸必致科斂商民殊非政體分司候選道員張應銓因其捐銀一萬兩懇請儘先選用尤屬取巧阿克當阿所奏均不可行國家經費實亦不需此著將捐輸銀兩概行擲還欽此

嘉慶十九年二月奉

上諭據蘇楞額奏稱海州境內葦蕩出河汎龍窩蕩南北二汎與板浦中正蕩因黃水下注淤地甚廣再黃河兩岸自雲梯關下北岸由馬港河下至海口暨迤北之雲臺山下亦成平陸淤出新地約二三百里又乾隆四十五年因水漫豁糧民

竈地五千餘頃尙可耕種其南岸北河以下亦計二三百里又鱸魚港諸處淤地甚廣以開方計之約可得地三四十萬頃除去湖河沮洳官蕩斥鹵外約可得產稼地二十萬頃俱請招民認買開墾升科以裕國課等語著百齡委員履勘能否開墾據實具奏欽此

嘉慶十九年八月十八日奉

上諭御史程贊甯奏請嚴私梟拒捕之禁以靖地方一摺官引滯銷由於私鹽充斥全在地方官實力查拏隨時懲辦梟徒自當畏法斂戢近日捕務廢弛遂至私販日多著通諭各省督撫鹽政嚴飭所屬文武員弁認真查辦如訪有窩買私鹽

梟徒立即會同擒捕勿存消弭規避之見其有兵役包庇者究明按律嚴懲毋稍寬貸欽此

嘉慶二十年八月初二日奉

上諭阿克當阿奏請交部嚴加治罪並自行議罰一摺阿克當阿前在內務府當差與太監等閒有認識逮簡放鹽政卽當引嫌不應仍與太監交接乃收受林顯餽送食物給與銀兩以致林顯敢於致書通問其所稱管門家人將林姓所投書信駁回未曾告知一節亦屬虛詞林姓路過揚州前往投書封函未啟該門丁何以豫知係太監書信先行駁斥若謂阿克當阿於親友往來信札概不接收尤無是理姑免深究阿

克當阿毋庸交部治罪著卽降爲內務府郎中頂帶其自請  
罰銀一萬兩不過仍係派累商人亦毋庸呈繳兩淮見有應  
解內務府銀七十餘萬兩屢經飭催延不交納著卽上緊批  
解勿再遲玩干咎欽此

嘉慶二十一年十一月十二日奉

上諭巡漕御史孫汝奏檢拾候補縣丞李德稟帖一函內稱本  
年河工三汛安瀾百齡黎世序保奏不公將情託投工效力  
之地方鹽務三十餘員保舉二十九人在工年久出力者僅  
保十五人懇請轉奏等語該給事中折閱揭帖當卽飭縣查  
明河工並無候補縣丞李德其人自係假捏姓名砌詞控告

與匿名揭帖無異見在黃河普慶安瀾工員既有三百餘人儘敷差委所有投効之地方鹽務各項人員無可需用之處卽行撤退匿名之人一經拏獲訊明照例治罪欽此

嘉慶二十三年二月二十八日奉

上諭前據孫玉庭等奏湖廣江西綱引滯銷當經降旨將該鹽道革去頂帶令該督撫鹽政等將堵緝鄰私及稽查夾帶偷漏之弊會議具奏茲據御史吳杰奏稱巫山大甯一帶鹽埠口岸素有奸商私造引張名爲墨引串通土豪勾引私販各船到彼捏稱提載由水路侵入荊州宜昌等處陸路則由竈戶出賣與竹谿房縣肩挑背負之民每日不下數百人聽其



販往楚界各鄉村售賣又聞陝西商南平利一帶私鹽卽自  
潞商各店中販來由漢中順流而下至襄陽之穀城德安之  
安陸分途暗售河南私販卽自南陽之李官橋店中販來亦  
至穀城安陸等處請飭令各督撫查辦等語私鹽充斥以致  
官引滯銷亟應設法整頓著孫玉庭慶保張映漢錢臻阿克  
當阿會同確查並將該御史指出開設店鋪興販私鹽各地  
界移咨四川陝西河南各督撫一體查明究辦其應如何設  
法堵緝稽查之處歸入會議章程內一併妥議具奏欽此

嘉慶二十三年四月初四日奉

上諭據慶保等奏查明湖北歷來鄰私侵灌各口岸均已添建

官廳卡房並酌給口糧薪水飭令派出各員弁分率兵役常川駐宿巡緝其餘水陸交衝各處隨時委員巡查並令各商公舉在楚年久熟悉鹽務商人專司緝私自選商夥分投躡緝一有梟犯蹤迹隨地報官擒拏如各口岸有疏懈賣放之弊准其據實密稟以憑究辦並移咨四川兩廣陝西河南各督撫一體查緝等語私鹽浸灌引地惟在地方大吏督率文武員弁認真緝拏按律懲辦俾私販知所畏懼自能斂戢豈可以躡緝之責諉之商人轉令各員弁兵役有所推卸試思鄰省匪徒成羣結黨突入境內地方官本應嚴拏懲辦不但堵截私鹽兼可翦除匪類以靖閭閻若不認真查緝徒爲紙

上空談於事有何裨益至界連湖廣各省如四川之巫山大甯陝西之商南平利河南之新野唐縣以及粵西與湖南接壤各州縣均應認真查禁除官引外鹽斤概不准私販出境則其源既清下游自不致受浸灌之累著蔣攸銛阮元葉紹楨朱勳和舜武各飭所屬於要隘地方實力巡緝並嚴查官役包庇賣放之弊慎勿存畛域之見將此各諭令知之欽此

嘉慶二十三年六月十五日奉

上諭蔣攸銛奏查議川私入楚巡緝章程一摺楚省宜昌一帶淮引界內向患川私灌注其由川入楚之後川省官弁自不能越境查緝然兩省毘連之處各有水陸要隘果能巡邏嚴

密隨地禁遏則梟徒何從偷越其楚省鶴峯長樂恩施宣恩  
來鳳利川咸豐建始八州縣例食川鹽者惟在川省於驗放  
之時核明引鹽數目定額之外絲毫不准夾帶出境並嚴飭  
州縣大使等稽查竈戶人等無許私運出場則川鹽入楚歲  
有常數自不至侵越淮境至宜昌等處地居楚省上游官鹽  
憚於遠涉不行運往民食有缺川鹽始得乘虛而入乾隆五  
十五年楚省既會定有於宜昌府城撥貯淮鹽十萬包減價  
敵私之議何以近年並不奉行著孫玉庭慶保阿克當阿查  
明原定章程會同酌議具奏欽此

嘉慶二十三年九月奉

卷之二

上諭孫玉庭等奏請定鹽捕通判墮銷處分並責令營員一體緝私一摺湖北宜昌府撥貯淮鹽十萬包設立鹽捕通判領運分銷向止定有缺銷罰扣薪水章程並未明定墮銷處分以致日漸懈弛任聽川私侵灌不特宜昌一府銷不足額下游網引悉受其害自應嚴定考成俾有專責著照所請卽以每年運鹽十萬包作爲十分銷數責成該通判緝私運售如銷不足額按照墮銷分數據實參奏分別降革其宜昌上游歸州一帶並著宜昌鎮派弁督兵會同移駐文員實力緝私如上游堵截不力准該通判稟揭查明該文武員弁嚴參究辦欽此

嘉慶二十三年十月二十日內閣奉

上諭御史黃中模奏請復鹽價舊規一摺湖廣江西鹽價嘉慶十二年酌議每引增銀四錢二分其時降旨令該督撫鹽政等隨時察看或將屆三年或再展三年俟商力稍裕卽行奏減迄今已閱十餘年總未據奏請減價茲據御史請仍復鹽價舊規著兩江總督兩淮鹽政卽行查明湖廣江西兩省見在行銷淮鹽價值酌量奏請裁減欽此

嘉慶二十五年二月初五日奉

上諭延豐奏淮南各口岸鄰私浸灌場竈透漏以致累年銷絀引滯課懸本攔楚岸則有四川巫山大甯一帶鹽埠口岸越

境侵銷一由水路入宜昌荊州等處一由陸路入房縣竹谿等處其陝西之商南平利一帶私販由漢中順流而至襄陽德安等處分售名曰潞私河南自南陽之李官橋各鋪販至穀城等處售賣名曰豫私湖南衡州府屬之常甯耒陽安化各縣毘連廣東永州府屬之江華永明零陵東安各縣毘連廣西俱由各該商埠越境浸灌江西口岸則有閩浙粵私粵私陸路由興國縣入吉安府屬之萬安等處水路由贛縣入下游之吉安臨江等府閩私一由崇安縣經過江西之鉛山弋陽入饒州府屬一由光澤縣入江西新城縣境赴建昌撫州等處銷售浙私一由廣信府屬之貴溪入饒州府屬之安

仁等縣一由徽州府屬之祁門建德等縣入江西之饒州府  
浮梁德興等處至安慶池州太平江甯爲淮南綱食口岸又  
爲場鹽偷漏船戶夾帶沿途偷賣侵占引額請飭各該督撫  
實力緝私又疏銷引鹽爲鹽道專責向來各省因考覈過嚴  
慮干處分不免有多開輪售捏報分數之弊等語近年楚西  
各口岸私梟充斥國課虛懸見據該鹽政查明私鹽侵灌處  
所著該督撫等各飭所屬文武地方官無分畛域實力偵緝  
務將巨梟窩固隨時隨地嚴拏懲辦不得互相諉卸或僅將  
尋常小販緝拏數案藉以塞責至各該鹽道疏銷官引是其  
專責並著該督撫覈實稽查務令各鹽道將銷售輪鹽實數



按季據實開報不得以開輪未售之鹽入數作銷以杜規避  
欽此

嘉慶二十五年三月二十日奉

上諭吳璣等奏馬營壩大工合龍後儀封三堡以下坐墊隄身  
三十餘丈葉觀潮琦善均有河務之責咎實難辭本日已降  
旨令該鹽政關差等將商捐各欸銀兩迅速撥解儀封工次  
備用先行給辦工料將來工竣即著落葉觀潮琦善二人分  
賠不准開銷欽此

嘉慶二十五年十一月十四日奉

上諭本年六月二十七日御史魯垂紳請查辦江西銷鹽分數

劾參鹽道胡稷因循廢弛一摺當經

皇考仁宗睿皇帝降旨交孫玉庭延豐查辦嗣於七月二十八日孫玉庭等奏已遴員馳往江西會同署鹽道許理城詳查尙未據查明具奏茲又據參奏胡稷回任後勢必將捏報暢銷之處設法彌縫又於已革都司徐富國稟報鹽店送給規費一案輾轉袒護隱瞞並縱容管門家丁金三盤踞署外與書吏串通舞弊等語著交孫玉庭瑞弼延豐會同嚴查該鹽道胡稷所報暢銷引課是否相符有無藉官運私情弊並將徐富國所稟收受規費及袒護鹽店縱容家人各情節逐一徹底根究據實參奏欽此

嘉慶二十五年十二月初六日軍機大臣等奉

上諭孫玉庭等奏請停止淮南北口岸鹽斤加價一摺據稱辦理鹽務減價乃可敵私銷引方能裕課今因加價而鹽不能銷不如勿加而銷鹽較暢請將見在淮南北綱食各岸加賣鹽價三釐援照從前停止楚西餘息之例自辛巳綱起均予停止此後可令專心趕辦課賦於食課兩有裨益等語鹽斤加價有妨正課民食該督等所奏自係實在情形朕此時不難降旨允准第思此項加價餘息卽概行停止在課欸不過少入數十萬兩恐所減之價仍不敵私鹽之賤既不能敵私則鹽引仍不能暢銷正課仍不能足額於國帑民食兩無裨

益見在鹽法敝壞其致敝之由必仍有故著孫玉庭延豐等再行通盤籌畫總期每歲引課永遠年清年歛毫無短絀務得正本清源之道行之日久俾鹽法日有起色漸復舊規不致又議加增果能如此該督等切實奏陳再奏請停止加價朕必不吝准行也欽此

兩淮鹽法志卷二